



# Bung bilong sapatim Pop long sevim envairomen

Esther Bralyn Wani i raitim

**KLAIMET Sens i wampela bikpela hevi i wok long senisim laip stail bilong ol pipel na enimal insait long wol. Pop Francis i raitim dispela pas wantaim het tok 'One Human Family – Caring for Creation' long tok save long ol pipel long wol olsem envairomen em i bikpela samting.**

Katolik Bisop Konprens (CBC) i holim wampela bung wantaim Opis bilong Klaimet Senis na Dvelopmen, Yunivesiti bilong Papua Niugini ol 9-pela skul long Nesenel Kapitok Distrik long toktok long ol Nesenel En-

vairomen na Klaimet Senis aninit long het tok bilong Pop Francis.

Asbisop na Apostolik Nansio long PNG na SI, Michael Banach, i tok 5-pela toktok bilong em long pas bilong Pop Francis long envairomen.

Asbisop Michael i tok pas bilong Pop Francis long envairomen em wampela bikpela hevi we sios i save toktok pastaim na nau Pope Francis i toktok long en yet. Em i tok dispela em i bikpela singaut long soim risponsibiliti, bildim human o pasin bilong tingting gut na mekim samting olsem human, toktok bilong olgeta long wanem sapos

mipela lukautim envairomen bai em i lukautim yumi bihain na long kamapim wampela Katolik driman o yunivesel driman.

Em i tok moa olsem as tingting bihain long dispela pas em long askim yumi yet wanem kain wol yumi bai lusim long husat bai kamap bihain long yumi, na long ol pikinini bilong yumi i gro kam antap.

Long wankain taim, Ursula Rakova bilong Kataret ailan long Bogenvil i toktok long ol liklik ailan long ples bilong em i karamap nau bikos long klaimet senis.

Rakova i tok ailan bilong ol i stap olsem 1.2 mita antap long solwara na ol i gat olsem 19

skwe mita bilong graun tasol i stap long mekim haus na planim gaden kaikai bilong ol.

Em i tok bisop bilong Bogenvil, Leo Levi i givim ol hap graun long bikples long Bogenvil. Olsem 150 famili i mov go stap long ol olupela plantesen bilong Katolik sios.

Em tok moa olsem ol i stap long wampela hap long Tinputs na ol i karim olsem 15 beg tapiok na banana i go long ol wantok bilong ol i stap long ol ailan yet.

Misis Rakova i tok Opis bilong Klaimet Senis i bin raun go lukim ol tupela taim pinis. Em i tok ol i go kism poto na ol piksa tasol no gat sain bilong ol gen.

Em i askim gavman long luksave long ol kain hevi olsem. Long wanem no gat luksave bilong gavman i kam inap nau. Em i tok taim bilong toktok na bihainim wantaim eksen nau.



Skul bilong Lo long Yunivesiti bilong Papua Niugini i holim tupela de semina wantaim het tok '40 Years of PNG Constitution' long Men Leksa Tiata (MLT) long yunivesiti. Dispela semina i lukim ol Papa bilong Konstitusen o ol man i bin go pas long kamapim kontitusen olsem Sir Michael Somare na Sir John Kaputin i stap insait long en. Poto i soim (lephan i go raithan) Vais Sensela bilong UPNG, Albert Mellam, Sir Micheal Somare na Din bilong Lo skul long UPNG, Profesa Mande Matui i wokabout i go long semina. UPNG Midia

**Lukim pes 13**

**“Don't miss the games action!”**  
Purchase your Airline and Games tickets now!\*

**Air Niugini**  
www.airniugini.com.pg  
EXCLUSIVE CARRIER FOR THE 2015 PACIFIC GAMES

2015 PACIFIC GAMES  
OPENING CEREMONY  
AT JOHN GUISE STADIUM  
ADMIT 1

\*Pacific Games tickets sold at nominated outlets



# Makam amamas long lukim pinat bata projek

Paulus Tali i raitim

**MOROBE** Provinsal Gavman luksave gen long Makam Pinat Bata Projek bihain long em i bin pudaun long 1980s na i stap nating inap long 2014. Morobe Gavman nau lukim olsem em i mas sapotim ol liklik manmeri bilong Makam long pinat ol i planim na kisim mani long en.

Dispela projek nau em namba 3 phase impek projek. Arapela em long Yalu klostu long Lae Siti na Wagang Fiseries Bris ol i stap insait long Public Private Land Owner Partnersip (PPLOP). Land Owner mas i go pas long lukautim graun bilong ol yet. Planti ol manmeri pikinini long Makam I bin kamap las wik long Garam primeri skul, long lukim dispela projek i stat.

Olpela memba bilong Makam Andrew Baing husat i olpela sia-man bilong Makam Pinat Bata i tok em i amamas long lukim Morobe Gavman nau sanap baksait long subim projek insait long Makam distrik long go het. Lida bilong provins Kelly Naru tu i kamap long Garam na long tokaut long Peanut Butter Projek i op.

Mista Baing tok amamas long ol pikinini na em i tok, "Yupela bai kamap bihain taim Investa bilong Makam distrik."

Mista Baing tokim ol Makam olsem, "Yumi Makam yumi yet les-man meri bipo yumi planim pinat tasol bihain yumi salim go long ol Hailans long baim na wanem mani yu laikim."

Em tok moa olsem pinat bata projek bai kamap olsem moa long

pipel insait long Onga Waffa, Umi Atzera, Wantoat Leron. Wankain projek bin kamap bipo long Garaina Tea Projek long 1970s na i bin bringim nem bilong Morobe tru long egriklsa. Mista Baing tok amamas long Morobe Gavman i kam bek na givim sapot bilong en.

Morobe Gavman bin givim moa long K450,000,00 long 2014 insait long Fisabiliti Stadi wok bilong em, bihain givim gen K700,000,00. Gavman bilong Naru na Nalau bin luksave long pinat projek na putim gen K100,000,00 long pusim projek i go het.

Gavana Kelly Naru husat givim K100,000 long mekim projek mas go het i tok pipel bilong Makam no ken wet planti, nogut ol i wet na projek bai no inap kamap.

Manmeri bai hat long painim mani long lukautim sindaun yu hat-

wok putim han long graun bai yu lukim mani.

Planti manmeri pulap long Garam praimer skul long opim Peanut Butter Projek. Long wankain taim gavana i givim ol kar tu wantaim. Ol bikman olsem Umi Atzera Presiden Daki Mao, Leron Wantoat Presiden Andrew Gena, Lord Meya Koim Trilue Leahy, Jabim Mape Kaunsil Presiden, Judas Ngalau na olpela Wantoat Leron Presiden Steven Mambon i bin stap tu.

Siaman bilong Makam Peanut Butter, George Rifi i tok amamas long Gavana Naru, i kamap na soim moa intres bilong em long dispela projek we bai helpim ol yangpela manmeri long foapela kona bilong Makam Distrik long wok na lus ting long laip bilong stap nating.

"Yu mas wok na bisi long planim pinat na bai yu gat mani," Gavana i

salensim ol manmeri na yangpela bilong Makam.

Singa bilong Solomon Ailan, Sharzy na Morobe Singa Lista Serum ol tu kamap na sekim ol man meri long Makam tru long pairap bilong musik bilong ol na amamasim ol manmeri.

Selebresen bin kamap gut tru wantaim moa amamas long Makam pipel long wanem longpela taim ol laikim faktori long kamap na em i kamap nau.

George Rifi i tok amamas long Gavana Naru long gavman bilong em givim sapot long projek mas go het.

Em i tokim ol Makam pipel long no ken tokpait tasol i mas, "Kam yumi bung wantaim na bringim projek go long mekim Makam Distrik inap senis."

## Kiunga Rurel LLG helpim Maket bilong Wod

Stori na poto i kam long James Donald

KAMAPIM bes bilong ikonomi long wod levi em i bikpela samting long strongim rurel populesen long Kiunga Rurel LLG long Not Flai Distrik long Westen Provins i putim mani long kirapim Drimdemasuk wod maket wantaim mani mak bilong K10, 000.

Dispela mani em i kam long PSIP wantaim sapot bilong Gavana bilong Westen Provins i go long Kiunga Rurel LLG long helpim ol projek long ol wod.

Presiden bilong Kiung Rurel LLG, James Donald i stap baksait tru long kamapim ol liklik ol projek long wod level we i kamap bikpela senis long komyuniti na dispela make tem i wanpela bilong ol dispela liklik projek.

Mista Donald i tok olsem em i bin strong long kamapim dispela maket long lukim ikonomi bes bilong komyuniti i kamap strong.

Em i tok moa olsem gavman i mas lukluk moa long wod level long kamapim divelopmen, bilong wanem LLG em i as tru bilong gavman na em i nidim sapot

long Distrik, Provinsal na Nesenel Gavman.

Mista Donald i tok tenkyu long lokal kontraka, Maps Dewi long soim save bilong em long wokim dispela haus long ples bilong em yet na dispela i soim olsem em i wanpela aset bilong komyuniti na LLG mas helpim em long kamap bikpela long bisnis bilong em.

Ol i bin opim dispela maket long mun Me na em i singaut long ol stekholda long moa sans long wod long wokim maket bisnis bilong ol.



Presiden James Donald katim ribbon bilong opim Drimdemasuk Wod maket.

### Provinsal treseri strongim wok bilong ol

LONG wik i go pinis ol Provinsal Tresera long olgeta hap bilong Papua Niugini bin kamap long wanpela kibung bilong ol Tresera Konprens long Lae.

Long dispela kibung dairekta bilong PNG Power, Clement Bonny tokim ol olsem bai ol i wok bung wantaim ol. Mista Bonny tok tru sampela taim ol i save feil long givim pawa long haus na opis, tasol bai ol i traim long wok bung wantaim ol provin-sal treseri.

Deputi seketri bilong

Fainens na Treseri, Gabi Kila i salensim ol Tresei opisa long ol provins na distrik long kamapim gutpela wok na tok olsem long yupela bai olgeta ripot bilong mani inap kamap gut na sevis bai go daun long distrik na LLG.

Em i tok, "Mi laik kongretuletim yupela long planti gutpela wok yupela mekim long provins na wankain long distrik. Mi laik lukim gutpela ripot tru long Fainensel Menesmen, Akauntabiliti Ripot, gutpela manes-

men long mani na sevis deliveri i go long wan wan hap we yupela i stap long em na ol lida long nesenel na distrik bai amamas long yumi inap sanap wantaim long wokbung."

Wan wan rejion i tokaut long wanem wok i stap namel long ol arapela dipatmen na Treseri, maski planti i no kamapim gutpela ripot tasol bikpela samting Nesenel Opis long Pot Mosbi laik save wanem provins na distrik mekim wok nau i stap.

### Provinsal treseri strongim wok bilong ol

LONG wik i go pinis ol Provinsal Tresera long olgeta hap bilong Papua Niugini bin kamap long wanpela kibung bilong ol Tresera Konprens long Lae.

Long dispela kibung dairekta bilong PNG Power, Clement Bonny tokim ol olsem bai ol i wok bung wantaim ol. Mista Bonny tok tru sampela taim ol i save feil long givim pawa long haus na opis, tasol bai ol i traim long wok bung wantaim ol provin-sal treseri.

Deputi seketri bilong Fainens na Treseri, Gabi Kila i salensim ol Tresei opisa long ol provins na distrik long kamapim gutpela wok na tok olsem long yupela bai olgeta ripot bilong mani inap kamap gut na sevis bai go daun long distrik na LLG.

Em i tok, "Mi laik kongretuletim yupela long planti gutpela wok yupela mekim long provins na wankain long distrik. Mi laik lukim gutpela ripot tru long Fainensel Menesmen, Akauntabiliti Ripot, gutpela manesmen

long mani na sevis deliveri i go long wan wan hap we yupela i stap long em na ol lida long nesenel na distrik bai amamas long yumi inap sanap wantaim long wokbung."

Wan wan rejion i tokaut long wanem wok i stap namel long ol arapela dipatmen na Treseri, maski planti i no kamapim gutpela ripot tasol bikpela samting Nesenel Opis long Pot Mosbi laik save wanem provins na distrik mekim wok nau i stap.

## Talk more for just K1 a day

Subscribe to our K7 weekly pass. Dial \*123\*7#.

Get 7 days  
**UNLIMITED FREE CALLING**  
Between Bmobile-Vodafone numbers

**20 MB**  
Internet data

**10 MIN**  
Calls to any network in PNG

**20 SMS**  
Text to any network in PNG

Contact us now!

Customer Care 76003555  
support@bmobile.com.pg

www.bmobile.com.pg



# Maining na petroleum bringim ap ikonomi bilong PNG- Deloitte Touche Tohmatsu

James G. Kila i raitim

**MAINING** na petroleum o **extrektiv** indastri i bringim planti bikipela milien tru i kam insait long sapotim gro bilong ekonomi bilong Papua Niugini long kain kain rot long sait long

Lutz Heim, het bilong Klaints na Maket, wantaim Deloitte Touche Tohmatsu i tokaut long dispela taim em i givim toktok long PNG Semba ov Mains na Petroliem media wokshop long Madang las wik Fonde.

Mista Heim i tok olsem gro bilong dispela kantri i pas wantaim mani kantri i kisim long ekstretiv indastri na dispel mani em bikipela moa.

“Dispela indastri i save wok na toktok wantaim bikipela mak bilong mani stret,” Mista Heim i tok.

Em i tokaut olsem ol taun na ples insait long kantri i lukim ol senis i kamap bikos long ekstretiv indastri.

Mista Heim em memba bilong PNG Semba ov Mains na Petroleum na em i gat planti save long indastri bikos em i wok moa long 30 yia wantaim PNG Intenol Revenue bipos na i save bikipela save long sait long takis na fainens.

Mista Heim i tokaut olsem namel long 2005 na 2010 maining na petroleum indastri i peim moalong K9.7 bilion kina olsem koporet takis i go long gavman. Namel long dispel taim tu dispela indastri i peim K1.2 bilion olsem winmoni o dividends, na K1.3 bilion olem royalties i go long ol papagraun insait long ol projek eria we developmen i kamap long en long long kantri.

Em i tokaut tu olsem ol helpim long sait long fainens long kantri we i kam long maining na petroleum indastri save givim strongpela sapot tru long Gavman.

Mista Heim i tok ekstretiv indastri i save peim moa takis long gavman long strongim gavman long kisim dinau autsait na tu wokim invesmen. Antap long en tu mani long ekstretiv sekta bai helpim long bringim nupela mani kam long kantri bihain long ekspot, na dispel indastri tu i save givim moa wok.

Mista Heim i tokaut tu olsem maining na petroleum sekta i save givim moa trening long ol PNG wokman long lainim ol kain kain tred wok taim ol i wok wantaim kampani long taim bilong konstraksen na operesen bilong projek. Dispela i helpim tru long sait long human risos developmen bilong PNG.

Em i tokaut tu olsem dispel maining na petroleum sekta i helpim tu long said long bisnis developmen na kamapim welt o mani bilong kantri na wokim kantri i sanap strong.

“Traim tingim tasol sapos dispel graun o wol bilong yumi nogat TV, kar, na ol metal prodak, elektrisiti, fiul na plastic,

“Taim tingim tasol sapos PNG i nogat rot, nogat lain kisim gupela ekukesen, helt kea na ol gavman sevises,” Mista Heim i tok.



Lutz Heim, het bilong Klaints na Maket, wantaim Deloitte Touche Tomatsu i givim toktok long PNGCMP media woksop long Jais Aben long Madang. *Poto: James G. Kila*

## REGISTER ACTIVATE TICKETS!

Download and Activate the BSP Mobile Banking App for your chance to share in the 2015 Pacific Games Ticket Giveaway!




**20x Family Packs**  
(4x tickets)  
*General Admission.*

**1x Family Pack**  
(4x tickets)  
*Major Giveaway for Sport or Venue Package.*

\* Only successful Mobile Banking App activation will be eligible.

1. Register for Mobile Banking
2. Download App
3. Activate **NOW**

DOWNLOAD NOW



320 1212 / 7030 1212 - 24/7

servicebsp@bsp.com.pg

www.bsp.com.pg



Official Sponsor of the 2015 Pacific Games



# Obura-Wonenara distrik bringim bek DSIP fan ripot

**OBURA-Wonenara em i wanpela bilong ol distrik long kantri we i stap longwe tru long ol bikpela taun na ol pipel i stap tarangu yet.**

Em i gat 92,000 pipel moa i stap insait long 3,933 skwea kilomitia na em i wanpela las distrik tru insait long Isten Hailans provins long kisim ol wok developmen.

Mema bilong Obura-Wonenara, Mehrra Kipefa i tok namba bilong ol pipel long dispela distrik i winim ol narapela distrik long provins, tasol ol i save tok em i laspela distrik long lukim developmen. Samting ol ausait lain na gavman i no save em dispela distrik i gat sampela gutpela samting bilong strongim ikonomi wantaim ol kopi na pis fam projek.

Planti ol bikpela maunten na bikpela ples daun I mekim na i pasim rot bilong ol pipel long Yelia LLG long wokim rot.

“Ol ples i stap longwe na yu ken wokabaut tasol na go o go long balus na bihain wokabaut gen na long balus em i bikpela mani. Long Lamari na Tairora LLG eria em i no gat planti maunten ples na em i isi long go kamap,” Mista Kipefa i tok long taim em i go givim ripot bilong em long DIRD long Pot Mosbi las wik.

Distrik i wok long plenim ol projek long kisim K10 milien DSIP fan long dispela taim. Ol sampela bikpela projek we memba i tok long wokim em long Aiyura-Obura-Wonenara rot na pinisim i go olsem long Hainna, namel long Obura na Wonenara. Em i bilip bai ol i kamap long Wonenara long 2017.

Ol narapela bikpela projek em; Kassam rurel haus sik, kirapim Yelia Hai Skul, Arona veli teknikal hai skul konstraksen, wokim ples bilong stretim pis bilong salim, Erandora kau projek na long sapotim ol meri grup long wok bilong lukautim na salim kakaruk.

Obura-Wonenara distrik edministreta, Erinu Kasong i tok aut long taim bilong presentesen olsem olgeta sektorel program bai wok bihainim 5 yia distrik developmen plen, ol i kolim long, “OWAN FOCUS”.

Baset bilong ol long 2015 em K15 milien na em bai lukluk long ol namba eria olsem infrastraksa developmen long ol rot netwok, bris, na ol liklik ples balus long distrik.

DIRD Ekting Seketeri, Paul Sai'i i amamas long Obura-Wonenara distrik i givim ripot bilong 2014 DSIP long taim bilong soim gutpela pasin bilong lukautim mani bilong pablik.



Obura Wonenara MP Mehrra Kipefa givim akwital ripot bilong 2014 DSIP i go long DIRD Ekting Seketeri Paul Sai'i.



Jeneral Menesa bilong BSP Kapital, Richard Borysiewicz, i sanap long namel long baksait ro wantaim ol tim memba.

## BSP givim K50,000 long PNGIS

BANK South Pacific (BSP), em i namba wan sponsa bilong Papua Niuginig Invesmen Samit (PNGIS), na i givim K50,000 long sapotim ol samting bai kamap long 2015 bung.

As tingting bilong dispela sapot em, PNGIS i save soim rot bilong bisnis na invesmen sans insait long PNG long Intanesenel bisnis komyniti.

PNGIS i save painim hap bilong putim PNG olsem wanpela bisnis patna insait long wan wan sekta olsem petroleum, maining, egrikalsa, bisnis na fainens.

Ol man husat i stap long dispela bung em Praim Minista, Peter O'Neil, Gavana bilong

Bank bilong PNG (BPNG), Loi Bakani na Jeneral Menesa bilong BSP Kapital, Richard Borysiewicz, wantaim ol planti narapela ol intanesenel ges spika.

BSP i lukim strong bilong kisim planti sans insait long ol wanwan sekta na tu i givim ol kampani stat long liklik i go antap long ol namel (SME kampani) long givim sapot long ol susa kampani bilong groim kantri long bihain taim.

“BSP em i olsem paslain benk insait long Pasifik na mipela i amamas long stap klostu wantaim dispela samit olsem sponsa na presenta, sapotim gavman bilong yumi, ikonomi bilong yumi na redim wol klas benking

sevis na givim ol tok klia long ol kastoma,” Borysiewicz i tok.

Em i tok moa olsem, BSP Kapitel em i lukluk long kirapim kapitel maket bilong PNG long redim nupela ples bilong salim i go long ol investa husat i gat laik long wokim bisnis long PNG na Saut Pasifik.

Dispela samit em bai kamap long Brisben Konsens na Eksibiser Senta long Australia long 27 na 28 Ogas, 2015.

BSP grup i gat 4000 na moa wok man na wok meri long olgeta hap long PNG na Saut Pasifik. Em i gat 42 brens, 13 primum sevis senta, 44 sab-brens, 229 ejens, 301 ATM na 9000 na moa EFTPoS, bilong givim kwik sevis long ol kastoma.

## Jiwaka i sainim MoA wantaim PNGEC

JIWAKA em i namba wan provins long sainim Memorandum o Agri-men (MoA) wantaim Papua Niugini Iktorel Komisen (PNGEC) long helpim komisen plen, redi na wokim ileksen long 2017.

As tingting bilong MoA em bilong strongim netwok bilong patnasip namel long Jiwaka Provinsal Gavman na PNGEC.

Na tu, em bai strongim tupela patna long wok klostu wantaim ol narapela stekholda na komyniti

long helpim na redim ol samting bilong ileksen.

Iktorel Komisina, Sir Andrew Trawen, na Provinsal Edministreta bilong Jiwaka, Michael Wandil, husat em i Provinsal Ileksen Stiaring Komiti Siaman tu, i bin sainim MoA long Jiwaka Misin Risot long Banz long las wik Fraide

Planti man i lukim ol i bin sainim MoA olsem Deputi Provinsal Edministreta, Joseph Karap, Provinsal Polis Komanda Superintenden,

Joseph Tondop, Jiwaka Provinsal Awenes Stiaring Komiti Siaman Irene Narewec, Rosen Kiap i makim ol meri Jiwaka na ol narapela moa.

Ol senia PNGEC opisa tu i bin stap wantaim long saining bilong MoA.

MoA em i bikpela samting we em i rot bilong Jiwaka Provinsal Edministreta na PNGEC long wok wantaim long redi long go insait long 2017 ileksen.

Bihain long ol i sainim MoA pinis, Mista Trawen i tok olsem, “em yet wantaim ol wok manmeri bilong EC bai no inap long mekim ol dispela wok, long wanem em i nidim ol provinsal edministresen long wok bung wantaim long bungim taim bilong ileksen.”

Taim MoA i stap pinis, Trawen i askim Jiwaka Provinsal Edministresen long traim kisim sampela mani long gavman na karimaut gut ileksen long ol tripela Lokel Level Gav-

man insait long provins we ol i bin feil long las ileksen. Em long Not Wagi LLG, Saut Wagi LLG na Anglimp LLG.

“Jiwaka em i nupela provins na i gat planti asua i kamap long politikal toktok long 2013 na mipela i no stretim yet, tasol nau mipela i sainim MoA em i bikpela samting tru long em bai helpim mipela long lukluk na mekim gut long ol dispela hevi bai no inap long kamap gen,” Mista Wandil i tok.



# PIH Saveman Nius

"I kam long Pacific International Hospital Port Moresby"

Ph: 311 3000/ Mobile: 799 88000 Textline 7155 8866 Website: www.pih.com.pg

## The Typhoid threat

**Yet another bacterial threat, and one occurring around PNG, is that coming from the bacterium *Salmonella typhi*.**

Typhoid fever infects roughly 21.6 million people worldwide with an incidence rate of 3.6 per 1,000 population. It kills an estimated 200,000 people every year. Typhoid fever is endemic in Asia, Africa, Latin America, the Caribbean, and Oceania, but 80% of cases come from Bangladesh, China, India, Indonesia, Laos, Nepal, Pakistan, or Vietnam. Within those countries, typhoid fever is most common in underdeveloped areas.

*Salmonella typhi* lives only in humans. People with typhoid fever carry the bacteria in their blood and gastrointestinal tract. In addition, a small number of persons, called carriers, recover from typhoid fever but continue to carry the bacteria. Both sick persons and carriers shed *Salmonella typhi* in their feces.

You can get typhoid fever if you eat food or drink beverages that have been handled by a person who is shedding *Salmonella typhi* or if sewage contaminated with *Salmonella typhi* bacteria gets into the water you use for drinking or washing food. Therefore, typhoid fever is more common in areas of the world where handwashing is less frequent and water is likely to be contaminated with sewage... most literature single-out street vendors or street food as one key factor where one could likely get typhoid fever, and this is largely because the food is prepared right from the street and so water used to prepare it is exposed & passed through many hands. However, there are cases of typhoid stemming from tap water whose pipes are damaged with sewerage water contaminating it.

The following are modes of transmission of *Salmonella typhi*:

Oral transmission via food or beverages handled by an often asymptomatic individual—a carrier—who chronically sheds the



bacteria through stool or, less commonly, urine

Hand-to-mouth transmission after using a contaminated toilet and neglecting hand hygiene

Oral transmission via sewage-contaminated water or shellfish (especially in the developing world).

If you eat or drink something that is contaminated with the bacteria, the bacteria enter your body. They travel into your intestines, and then into your blood. The bacteria travel through the blood to your lymph nodes, gallbladder, liver, spleen, and other parts of the body.

### Symptoms

Typhoid fever begins 7-14 days after ingestion of the organism

Early symptoms include fever, general ill-feeling, and abdominal pain. High fever (103°F, or 39.5°C) or higher and severe diarrhea occur as the disease gets worse.

Some people with typhoid fever develop a rash called "rose spots," which are small red spots on the abdomen and chest.

Other symptoms that occur include:

Abdominal tenderness

- Agitation
- Bloody stools
- Chills
- Confusion
- Difficulty paying attention (attention deficit)
- Delirium
- Fluctuating mood
- Hallucinations
- Nosebleeds
- Severe fatigue
- Slow, sluggish, lethargic feeling
- Weakness

### Exams and Tests

A complete blood count (CBC) will show a high number of white blood cells.

A blood culture during the first week of the fever can show *S. typhi* bacteria.

Other tests that can help diagnose this condition include:

Fluorescent treponemal antibody absorption test (FTA-Abs) to look for substances that are specific to Typhoid bacteria. (Not available locally)

Rapid test for Salmonella antibodies - IgM and IgG.

Platelet count (platelet count may be low, in some cases)

Stool culture

### Treatment

The severe diarrhea and high fever associated with Typhoid oftentimes leads to hospital confinement, where the main weapons against it are antibiotics. Typhoid fever is treated with antibiotics. Resistance to multiple antibiotics is increasing among *Salmonella* that cause typhoid fever. Reduced susceptibility to fluoroquinolones (for example, ciprofloxacin) and the emergence of multidrug-resistance has complicated treatment of infections, especially those acquired in South Asia. Antibiotic susceptibility testing may help guide appropriate therapy. Choices for antibiotic therapy include fluoroquinolones (for susceptible infections), ceftriaxone,

and azithromycin. Persons who do not get treatment may continue to have fever for weeks or months, and as many as 20% who are untreated, may die from complications of the infection.

### Staying Safe from Typhoid Fever

One can adopt some habits — foremost of which is frequent hand washing — that could give some measure of safety against acquiring Typhoid fever.

If you drink water, buy it bottled or bring it to a rolling boil for 1 minute before you drink it. Bottled carbonated water is safer than uncarbonated water.

Ask for drinks without ice unless the ice is made from bottled or boiled water. Avoid popsicles and flavored ices that may have been made with contaminated water.

Eat foods that have been thoroughly cooked and that are still hot and steaming.

Avoid raw vegetables and fruits that cannot be peeled. Vegetables like lettuce are easily contaminated and are very hard to wash well.

When you eat raw fruit or vegetables that can be peeled, peel them yourself. (Wash your hands with soap first.) Do not eat the peelings.

Avoid foods and beverages from street vendors. It is difficult for food to be kept clean on the street, and many travelers get sick from food bought from street vendors.

### On Vaccination

In developed countries, they sometimes encourage those who are about to travel as tourists to developing countries to get vaccinated. There are usually two vaccinations that are used: Ty21a or "Vivotif Berna," a time-release capsule by Swiss Serum and Vaccine Institute; and ViCPS, or "Typhim Vi," administered by injection, by Pasteur Merieux... but, these vaccinations cannot mean one may now have license to eat all the street food that he can! As the March 2014 product literature of pharma giant Sanofi Pasteur (for Typhim Vi) says "However, even travellers who have been vaccinated should use caution in selecting food and water... As with any vaccine, vaccination with Typhim Vi vaccine may not protect 100% of individuals."

Though rare to reach such extreme, in its severest manifestations, typhoid could even lead to inflammatory complications of: the heart muscle (myocarditis), lining of the heart and valves (endocarditis), pancreas (pancreatitis), gallbladder (cholecystitis), among others.

And this bacterium does not have to be present in a mass or big quantities to wreak its havoc. Small quantities in what seems to be relatively a big body of water can still cause the disease.

Hopefully more and more always wash their hands as often as possible.

### Public service Announcement:

FREE SURGERIES FOR CLEFT LIP AND CLEFT PALATE WILL BE HELD IN OCTOBER AT THE PACIFIC INTERNATIONAL HOSPITAL COURTESY OF OPERATION OF HOPE DOCTORS FROM THE U.S.A. IF YOU HAVE A RELATIVE WITH CLEFT LIP, PLEASE SEND PATIENT DETAILS EITHER BY FACEBOOK, LIKING FB PAGE "PIHkinini Smile", OR EMAIL [publicrelationspih@gmail.com](mailto:publicrelationspih@gmail.com) OR TEXT TO 7155-8866.



## Now in PNG..the country's first Retina Surgeon

3-Mile Specialty Clinics, 3-Mile Hill, Taurama Road, Port Moresby

### Advance Equipment for better diagnosis:

- OCT (Optical Coherence Tomography) to study optic nerve and retina.
- FA (Fluorescein retinal Angiography for diabetic and other retinal vascular diseases)
- A/B Scan (Eye Ultrasound) for more precise diagnosis of posterior segment of the eye
- AUTO R/K Automated Refraction and Keratometry

### Procedures for better outcome:

- RETINA LASER for diabetic and other retinopathies
- YAG LASER capsulotomy (for after cataract haze)
- Cryotherapy (cryo-treatment)
- Intravitreal injection for Diabetes

Tel. 311-3000  
email: [pihopd@gmail.com](mailto:pihopd@gmail.com)  
text to 7155-8866





# Ogio kisim pas bilong Embeseda bilong Meksiko



Gavana Jenerel Sir Michael Ogio wantaim Meksiko Embeseda long PNG, Armando Alvarez long gavman haus.

## Stanley Nondol i raitim

**GAVANA** Jenerel Sir Michael Ogio i tok tenkyu long Embeseda bilong Meksiko long i gat bilip long wok bung wantaim PNG long planti eria bilong developmen.

Sir Michael Ogio i tokim Embeseda Armando Alvarez olsem Meksiko na PNG i gat diplometik rilesen long 39 yia na lukluk long wok wantaim long eria bilong investmen long edukesen, litresa, at na film indastri na ol arapela eria we ol

pipel bilong tupela kantri bai kisim sevis.

Sir Michael i mekim dispela toktok taim em i kisim leta ov kridens o leta bilong bilip long wok long kantri long Meksiko Embeseda long PNG, Armando Alvarez long dispela wik long gavman haus.

Gavana Jenerel i tok tupela kantri wantaim bai wok long promotim demokratik prinsipel na tok welkam long nupela embeseda long kantri.

Em i tok gavman bilong Papua Niugini i redi long helpim na sapotim wok bilong Meksiko long PNG long

ol pipel bilong tupela kantri bai i kamap gutpela pren.

Long wankain taim Mista Ogio i swerim nupela Obusmen long las wik long gavman haus. Em i Michael Dick. Apoinmen bilong Mista Dick i bin stat long Me 20, 2015. Em bai wok olsem Obusmen inap em i bungim 55 yia.

Narapela apoinmen em, Mis Phoebe Sangetari i nau eking Sif Obusmen. Apoinmen biong em bin stat long Me 14, 2015. Em bai stap eking inap Obusmen Apoinmen Komiti i makim pemenen Sif Obusmen.

# Ol strit pikinini laikim mani -na les long skul

## Stanley Nondol i raitim

**GAVMAN** i putim bikpela milien kina long olgeta yia long olgeta pikinini insait long kantri bai kisim fri edukesen tasol planti pikinini i no go skul, ol i raun long strit na askim ol pablik long givim mani long ol.

Na long dispela mun, palamen i oraitim nupela lo biong lukautim pikinini na gavman i tok ol papamama i no ken larim ol pikinini i raun nabaut long strit. Tasol yu raun long ol siti na taun bilong yumi na lukim, planti pikinini raun na askim long mani na ol hap hap kaikai raun.

Minista biong Komyuniti Developmen, Delialah Gore taim i tebolim Laukautim Pikinini Ekt long Palamen, i tokaut olsem nupela ekt em bilong mekim save long papamama husat i no lukautim ol pikinini bilong ol na lukim ol pikinini i kam pulap long strit na singaut long ol helpim long pablik.

Gavana bilong Oro Garry Juffa i tokim palamen long taim bilong

dibet bilong Lukautim Pikinini Ekt las wik Fraide olsem, nupela lo palamen i oraitim i no lukluk long rot bilong banisim ol yangpela pikinini nau i wok long stap long ol pasin doti wantaim helpim bilong Teknoloji olsem intanet na mobail fon.

Minista bilong Komyuniti Developmen Delialah Gore long stetmen bilong em i tok nupela lo bai mekim save long papamama husat i no lukautim ol pikinini bilong ol na lukim ol pikinini i kam pulap long strit na singaut long ol helpim long pablik.

Plantu ogenaiesen i save bungim ol strit pikinini na lukautim ol. Tasol Minista Gore i tok ol dispela ogenaiesen i save mekim mani long nem bilong lukautim ol strit pikinini na mekim ol papamama tru i kamap slek.

Em i tok em i wok bilong papamama na gavman bai sekim gut ol dispela lain i mekim mani na tu sekim ol pikinini na salim i go bek long ol papamama bilong ol.



Ol strit pikinini long Mosbi siti i raun long grup na mekim mani long ol pablik na PMV. Dispela piksa em long Boroko, ol i askim wanpela teksi draiva long mani. *Poto Stanley Nondol.*

Maski gavman i wokim lo na putim tambu long ol pikinini bai raun long strit, planti bilong ol i wok long de taim na nait ol i save bung long wanpela hap kona na slip.

# NMSA woklain nau gat laip insurens

NESENEL Maritaim Sefti Atoriti (NMSA) i save tingim ol wokman na wokmeri bilong en na em i save wok hat long holim ol gutpela lain bilong wok i stap longpela taim.

Namel long ol pasin NMSA i save mekim long lukautim ol woklain bilong en, em i no long taim i go pinis, kampani bin kisim Medikal na Laip Insurens Skim bilong ol opisa.

Oi NMSA menesmen i lukim olsem ol manmeri i stap gut, no gat sik na bagarap em bai ogenaiesen i ran gut, olsem na ol i statim pasin bilong ol opisa i mas go long kisim helt sekap.

Menesmen bilong NMSA i bin mekim planti wok long stre-tim ol program bilong ol na nau ol i kamap wantaim dispela medikal laip insurens program. Olgeta Opisa bilong NMSA bai kisim sevis long medikal na laip insurens skim.

Jeneral Menesa bilong NMSA Paul Unas i tok NMSA i luksave long gutpela sindaun na gutpela tingting ol wokman na meri i mas gat long ol i ken mekim wok gut olsem na ol i statim dispela wok long holim ol gutpela woklain i stap.

Em i tok, "Bikpela tingting bilong dispela samting em bilong skelim mak

bilong mani helpim na helpim long nara-pela wei long givim sevis long ol woklain. Olsem na kampani laik stap long insait stret bilong ol pipel i wok long en."

Dispela namba wan wok em i bihainim NMSA strategik plen long grisim ol nupela save lain long wok husat i gat nid olsem bai ol i ken stap yet long skruim wok i go.

Mista Unas i tok strong long olgeta woklain long yusim dispela skim na em i strongim ol tu long wok wantaim pasin bilong tingting long sefti na helti laipstail bai ol i ken stap gut na mekim wok.

## Saina komyuniti givim K100,000 medikol apil bilong Kanawi

### Stanley Nondol i raitim

**SAINA** komyuniti long Papua Niugini i givim K100,000 long sapotim senia polisman Mark Kanawi long medikol apil bilong em.

Long las wiken Chinese PNG Friendship Asosisen i givim sek na kes mani long K100,000 bihain long ol Saina Komyuniti i harim olsem Mista Kanawi i gat hevi long lewa na i nidim mani long go kisim medikol helpim long Singapore.

Oi Saina husat i wok bisnis long kantri i givim helpim. Wan wan man i putim K1000 go antap. Sampela i givim donesen long sek.

Namba wan pikinini meri bilong Mista Kanawi i tok bikpela tenkyu long helpim bilong Saina Komyu-

niti long kantri.

Vais Presiden bilong Asosisen Jimmy Lin i tok ol Saina i salim i komyuniket namel long ol yet na statim kontribusen taim ol i harim olsem Mista Kanawi i nidim helpim long go kisim medikol sevis long ovasis.

Sampela Saina long Kokopo, Mt Hagen, Lae na ol arapela senta tu i salim mani kam long helpim Mista Kanawi.

Sif Suprintenden Mark Kanawi i bilong Lenkau viles long Manus Ailan na em i dairekta bilong Polis Prosekusen long Hetkwata long Konedobu.

Em i kisim strok long las yia na sik ya i kamap bikpela na kamapim hevi. Ol dokta i tok em bai go long medikol sekap na op-eresen long ovasis.



# Oro Provins amamas long *MV YWAM PNG*



*MV YWAM PNG* volantia medikol tim kisim welkam long Uiaku, Oro Provins.

*MV YWAM PNG*, medikol misin sip na ol volantia bilong em i kamap long Oro Provins long namba wan taim las wik na ol i no abrusim dispela amamas singaut bilong ol Oro.

Ol man, meri na pikinini i danis tumbuna, singsing na singaut, "Oro! Oro! Oro!" olsem long 'Welkam! wantaim amamas.

Oro Provinsal Gavman i holim wanpela welkam seremoni long Uiaku na Oro Be. Gavman i tok

promis long dispela taim olsem em bai putim mani long sapotim wok bilong *YWAM* Medikol Sip long Oro wantaim, na long soim dispela, ol i givim tripela hap diwai bilong pait, long makim rot bilong pait we Oro Provinsal Gavman wantaim *YWAM* Medikol Sip-Australia bai bihainim long mekim ol senis long helt long ol ples i stap longwe long taun.

*MV YWAM PNG* i bikpela moa, long pastaim sip *MV Pasifik Link* olsem 4-pela taim sais bilong *MV Pa-*

*cific Link*, na em inap long wok 11-pela mun long wanpela yia insait long Sauten Rijon na Huon Galp long Morobe. Em bai mekim wok bilong praimerihelt kea, dentis long stretim ol tit, ai klinik na trening bilong ol wokman na meri bilong helt.

Dispela sip i go insait long Oro Provins, wantaim 75 volantia i kam long 13 kantri long wol, 35 bilong ol em bilong Papua Niugini, wantaim 5-pela bilong ol i save wok long Oro Provinsal Helt tim i go wantaim ol

long mekim ol autris wok long provins.

Gavana, Gary Juffa bilong Oro i tok em i amamas tru long kisim *MV YWAM PNG* long Oro Provins long namba wan taim.

"Yumi gat planti rurel komyuniti i stap longwe tumas na i laikim tru helpim. *YWAM MSA* em i wanpela rait ogenaesen long ol i gat laik long mekim stret wok long helpim ol lain i gat nid."

Long dispela namba wan taim bi-

long em long provins, *MV YWAM PNG* i bringim helt kea pinis na kepesiti biling wok i go long 2,451 siklain long 10-pela ples insait long Sohe na Ijivitari distrik, wantaim ol helt tim bilong Oro provins yet.

*MV YWAM PNG* i go pinis long Huon Galp long Morobe Provins long wokim moa klinik wok insait long Huon distrik pastaim long em i go bek long Australia long ol bai mekim sampela moa wok long em long mun bihain.



## Papua Niugini

# NESENEL AIDENTITI PROJEK



*Oi emu namo totona, Nesinol ID kadi oi abia*



Paspot

- ▶ Eda tano bada lalonai: Oi emu kad do oi ia durua bema oi ura gabu aida oi lao eda tanobada lalonai
- ▶ Tanobada Haida: Oi emu kad do oi ia durua bema oi ura paspot bona visa abia ma lao gabu haida oi itaia tanobada ta ta dekenai.

"Oi rejista hari bona oi noho lalonai"

Nesenal Plening Dipatment  
ese hereva ia mailaia










# RPNGC bai kamapim GESI polisi

OL senia wok man bilong Royel Papua Niugini Konstabuleri (RPNGC) i tok orait long plen ol i mekim insait long wanpela woksop long Lae long las wik, long ol bai kamapim Jenda Ikwiti na Sosel Inklusen polisi (GESI). Namba tu Komisina bilong Polis, Awen Sete, i tok, tupela de woksop em i opim rot long ol bai kamapim GESI polisi long wanem, long kamapim dispela polisi em i wari bilong RPNGC. "Mi tok tenkyu na tok orait long Australia gavman long givim mani na stretim rot bilong

yumi long holim dispela woksop," Sete i tok. Kaunsela bilong Australian Hai Komisina, Michael Sloane, i tok, "dispela woksop i soim ol gut wok RPNGC i save mekim long ol stretpela rot, we ol pipel i save laikim long kisim wankain sans, jenda ikwiti, na sosel inklusiv wok." "Mi ken tok olsem, GESI polisi em i wanpela bikipela samting we ol wokman bilong RPNGC insait long PNG i save redim sevis bilong ol narapela kantri husat i save bungim taim no gut," Mista Sloane i tok.

Nesanel Eksekutiv Kansel i oraitim GESI polisi long Disemba, 2012 na ol i lonsim long Januery, 2013, we em i save redim sekyuriti long ol Nesanel Gavman Dipatmen, Provinsel, Distrik na Lokal Level Gavman Edministresen, na ol narapela ejensi long holim pasim ol rot bilong rispek, ikwiti na daivesiti. Mista Sloane i tok, "Dispela rot tasol bai bungim yumi long kirapim ol toktok long ol sampela hevi we ol wanwan manmeri save i gat, na GESI bai kamap poroman wantaim olgeta pipel long stretim ol hevi."

## Mendi polis bai givim gut sevis

MENDI polis i stap long gutpela posisen long lukautim ol husat lain bai kisim bagarap long vailens na arestim ol husat i kirapim pait. Sauten Hailans Gavana, William Powi, i tok tenkyu long Australian Gavman, long givim kar long ol Famili na Seksuel Vailens Yunit (FSVU) na i tok olsem, dispela sevis em ol pipel bilong SHP bai kisim bikipela helpim. Gavana Powi i tok moa olsem, "Yupela ol pipel bilong Sauten Hailans mas lukautim famili bilong yupela na rispektim ol meri. "Dipelomen i no gat mining bilong em, taim wanbel i no stap long famili. As tingting bilong developmen em i bilong kisim sevis insait long famili,

pipel na komyuniti," Powi i tok. Provisinal Polis Komanda na Sif Suprintenden, Sibron Papote, i tok klia olsem Famili Proteksen Ekt i mekim famili na seksuel vailens em kraim bilong em yet. "Ol dispela samting we Australia Gavman i givim, em bai helpim ol lain husat bai kisim bagarap long givim ripot na ol lain husat i kirapim birua pasin bai kisim sas olsem kriminal ofens na ol bai stopim dispela pasin," Papote i tok. Provisinal Edministreta, Henry Hapen, i tok moa olsem, dispela ol samting bai givim sapot long ol polis long painimaut famili na seksuel vailens na ol narapela pasin nogut i bagarapim ol famili na komyuniti. Long wankain taim, ol i opim

nupela Famili Sapot Senta (FSC) long Mendi haus sik, we Australia Gavman na Helt Dipatmen i givim mani. CEO bilong SHP Helt Atoriti, Joe Turia, i tok, "Ol polis husat i kisim trening long FSVU bai redim gutpela jastis sevis long ol lain i kisim bagarap long vailens, na long FSC, mipela bai helpim ol wantaim marasin long oraitim ol." Bihain long dispela mun, SHP FSVU bai kisim wanpela trening we Australia Gavman tu i putim mani, na dispela kos em bilong lainim ol teknik na skil bilong givim gutpela sevis long ol lain i kisim bagarap. Australia Gavman i givim K500, 000 na moa long nupela FSVU long Mendi.



Asisten Komisina, Francis Tokura, Depyuti Komisina, Awan Sete, Kaunsela Michael Sloane na ol Provinsal Polis Komanda na Metropolitan Suprintenden, i sanap long taim bilong woksop.

## Gavana Parkop i win long kot

SUPRIM Kot i rausim ileksen petisen bilong Michael Kandi, egensim Gavana bilong Nesanel Kapital Distrik, Powes Parkop, long asde. Parkop i tok olsem, "Dispela win em i swit liklik, long wanem, em i las memba we ol i kolimaut long 2012 Jeneral Ilekse, na i no long taim dispela petisen i kam long mi na i kisim 3-pela yia long pinisim. "I no gat wanpela gutpela risen, na lusing kendidet i yusim planti

mani long baim kot we em bai no inap long win," Pakop i tok. "Petisen em i no kam long stretpela rot na mi bin i gat bikipela strong long winim, wankain olsem mi win tupela taim long Nesanel Kot," Parkop i tok. Em i tok moa olsem, ol kendidet husat i ran namba tu i gat pawa long salim ol wina long kot, sapos ol i mekim sampela asua, tasol ol narapela lusing kendidet i no gat rait long mekim olsem.

"Ol kendidet i no ken mekim dispela kain asua gen, na nau mi bai putim dispela senis long Ogenik Lo bilong Lokal na Nesanel Level Ilekse," Parkop i tok. "Mi tok tenkyu long loya bilong mi na judiseri long mekim dispela disisen, na ol narapela wan lain na pipel i givim sapot long mi. "Nau mi bai wok moa yet long senisim dispela siti, taim olgeta wari mi bin i gat long kot i raus," Parkop i tok.

## Ol hap bodi bilong tripela PNGDF soldia i kam bek

OL i painim ol hap hap bun bilong tripela soldia husat i stap long rekot olsem ol i lus o mising in eksen (MIA) long 1996 long Bogenvil na kisim kam bek long planim long ples bilong ol yet. Deputi Praim Minista Leo Dion, Presiden bilong Atonomos Rijen bilong Bogenvil Sif Dokta John Momis, Komanda bilong PNG Difens Fos, Gilbert Toropo, ol narapela bikman na ol famili bilong tripela soldia i stap long kisim ol hap bun bilong tripela soldia. "Long 22 Oktoba 1996, tripela soldia long Alfa Kampani Namba wan Royal

Pasifik Ailan Rejimen, Koporel Marco Maino, Praivet Jimmy Julah na Praivet Raymond Waia i go long toktok wantaim ol memba bilong Bogenvil Revoluseneri Ami (BRA) long kamapim bel isi tasol ol i kisim ol na lokim ol. Bihain ol i kilim ol na planim ol long narapela hap long Kunua-Hahon long Not Bogenvil," Minista Dion i tok. Em i tok ol tripela soldia i bin lus (MIA) inap pinis bilong 2008 taim ol i painim ol bun bilong ol na mekim tes long en na painim aut. Long wankain taim, em i tok 4-pela soldia i bin dai tasol ol hap bodi bilong ol wara i bin karim go long sol-

wara long taim bilong pait. "Mi sori olsem mipela no inap givim wankain pasin long kisim bun bilong ol kam bek. Long dispela taim, mipela i givim rispek long ol na papa God i ken givim ol bel isi oltaim long wanem ol i dai long kamapim wanbel pasin na gutpela sindaun long kantri," Minista Dion i tok. Mista Dion i tok ol i kam long lukim kam bek bilong tripela gutpela man na yumi mas lukim wanem samting pait i save kisim kam long laip bilong yumi. Em i tok pait bin kamapim planti bagarap, givim pen na

planti pipel i bin kisim taim. Em i tok yumi mas mekim olgeta samting long stopim kain ol pait bai bagarapim laip na ol samting bilong mipela na sistem bilong gavman tu. Long makim gavman, Mista Dion i tok tenkyu long ol famili bilong ol soldia long givim ol pikinini bilong ol long pait bilong kantri long kamapim gutpela sindaun. Em i tok tenkyu tu long ol pipel bilong Bogenvil na gavman bilong ABG na Presiden Dokta John Momis long larim ol Difens Fos i go kisim ol hap bodi na kam planim long ples bilong ol.

## Apoimen bilong nupela Obusmen



Gavana Jenerel Ogio i swerim in nupela Obusmen Michael Dick long las wik. Apoimen bilong Mista Dick i bin stat long Me 20, 2015. Em bai wok olsem Obusmen inap em i bungim 55 yia.



## Noten provins bai save long ol rot gavman i yusim mani

OL komyuniti long Noten provins bai i was gut long rot we gavman i yusim mani insait long edukesen sekta taim pablikenes bilong Edukesen Baset na ol Sevis Sata i op long Popondeta long Jun 4 long dispela yia. Konsaltiv Implementesen na Monitoring Kaunsel (CIMC) i bung wantaim Papua Niugini- Australia Lo na JAstis Patnasip program i kamapim dispela sata. Dispela i soim ol sevis, ol stended na ol baset bilong 4-pela skul bilong gavman; Popondeta na Kebara Praimeri Skul, Martyrs Sejenderi Skul na Embogo Hai skul.

long Polisi na Risets long Dipatmen bilong Edukesen, Joseph Logha, i opim dispela Oro Provinsel Edukesen Sevis na Baset Sata.

Mista Logha i tok olgeta stekholda bai yusim dispela sata long mekim gut edukesen sevis insait long provins.

Popondeta Praimeri skul i go pas long opim dispela seremoni. Skul prinsipel, Bernard Hiviki, i tok dispela sata i bikpela samting long olgeta skul long provins bikos em bai soim olgeta stekholda long 4-pela skul taim ol i kisim mani long baset.

"Dispela kain infomesen em wanem olgeta Papua Ni-

ugini i mas save long kamapim pasin bilong yusim mani gut na klia long ol sevis i mas kamap," Mista Hiviki i tok.

Long kamapim dispela sata, ol stekholda i painim aut tripela wari olsem: no gut o bruk infrastraksa bilong skul, kisim nupela tisa, trening na ol awat ol i no kisim long gutpela wok, na no gat klia rekot bilong yusim skul mani.

Insait long dispela sata bai ol i bihainim sampela lo long mekim ol wok bilong sevis long ol wan wan stekholda insait long provinsek na nesenele edukesen sekta long tokaut long ol hevi.

## Dokta Uke i no tok orait long ripot

SEKETERI bilong Edukesen, Dokta Uke Kombra i no givim tok orait long putim ripot bilong ol Sains Ikwipmen Projek long media long wanem ripot i no pinis yet.

Dokta Kombra i mekim dispela toktok bihain long fran pes stori bilong Post Courier long Trinde, Jun 17 long dispela yia i gat het tok olsem 'Science Junk' na wankain toktok bilong edita tu i kamap.

Risets na Ivaluesen Yunit bilong Dipatmen bilong Edukesen i karim aut wanpela ivaluesen o glasim stadi bilong Sains Ikwipmen Projek long pinis bilong 2014 we i

stap long tupela hap. Namba wan hap bilong dispela projek i glasim ol gol na objektif bilong projek, ol impek long tis na lainim ol samting long level bilong skul. Namba tu hap i soim ol asesmen bilong sains infrastraksa, sains kurikulum na trening bilong ol tisa na kwalifikesen bilong ol.

Em i tok ol infomesen ol i kisim long ol wan wan skul bai ol i bungim na givim long em, tasol dispela draf ripot ol i karim raun long mekim ol toktok na givim moa tingting long en i go aut long media.

Em i tok em i 6no tok orait long dispela ripot bai go aut

long media bikos ol i wok yet long dispela pepa.

Em i tok dispela draf ripot i no go yet long ol lo bilong risets o bihainim ol rot long luksave olsem em i stret bipo ol i givim long gavman long stretim edukesen bilong sains long olgeta sekenderi skul long kantri.

Long dispela, Dokta Kombra i tok dispela ripot i no redi long ol skelim yet. Em tok dipatmen bai mekim stemen long pinis bilong dispela ripot na toksave long kantri long ol bikpela wok painim aut na ol polisi long stretim sains edukesen.

# Nupela tenk wara i helpim skul

WANPELA skul long Morobe provins i opim nupela bilding i gat 6-pela klasrum insait. Tupela haus bilong tisa na 9-pela tenk bilong putim wara long stat bilong dispela mun.

Ol Bod ov Menesmen (BOM) bilong Situm Praimeri Skul i mekim tupela haus tisa na klasrum ausait long Skul Lening Impuvmen Plen (SLIP) taim Wol Visen Wata Sanitesen na Haijin (WASH) projek na Coca-Cola Kampani i fanim 9-pela tenk bilong putim wara.

"Makim dispela skul long putim dispela tenk em i wok blesing long God. God i lukim olsem mipela i gat bikpela nid long wara long wanem em i salim yu long makim Situm Praimeri Skul," Mista Siga, wanpela tisa long dispela skul i krai na tok.

Projek Menesa bilong Morobe WASH projek, Wattie Wando, i tok tenkyu long ol tisa na ol papamama long helpim long pinisim dispela projek. Em i amamas long harim olsem ol sumatin na ol tisa i yusim ol dispela tenk long dring wara na wasim han.

"Wol Visen i save stap long komyuniti na i save luksave long ol pikinini long wanem em bai go het long helpim ol pikinini insait long komyuniti long gat gutpela



Wanpela bilong ol nupela tenk i sanap sait long nupela klasrum long Situm Praimeri Skul long Morobe provins.

laip. Dispela bai kamap insait long gutpela pren wantaim komyuniti na distrik," Wando i tok.


Distrik Edukesen Edministreta, Michael Gerson, i amamas long BOM long gutpela wok bilong ol na em i askim ol tisa long toktok moa long gutpela edukesen. Em i tokim ol tisa long givim namba wan edukesen long ol sumatin na salensim ol long kamap rol model bilong ol sumatin long akedemik sait.

Mista Gerson i tok, ol papamama i namba wan tisa long gro bilong pikinini.

Em i askim ol papamama long was gut long gro bilong ol pikinini bilong ol.

Em i tok moa olsem planti sumatin i dring bia na smukim mariwana na ol i no traim long stadi strong.

Em i tok gutpela ol akedemik risal bai pulim ol planti projek na em i tokim ol Gret 8 sumatin long mekim gut long eksem o tes.



What it means to be Papua New Guinean

**"Our home is one of the most unique countries on earth.**

**We all have a part to play to make PNG the greatest country on earth."**

Let us embrace our shared values as we build the nation we want - together!

© David Kirkland



**"PNG... EM MI YAH!"**

National Strategy for Responsible Sustainable Development

www.PNGStaRS.org • Department of National Planning and Monitoring



# PHA em i rot bilong stretim ol helt sevis

SIAMAN bilong Wes Sepik Provinsal Helt Atoriti, Gerald Gubon, i bilip olsem kamap bilong Provinsal Helt Atoriti (PHAs) em i gutpela rot bilong kamapim gut ol helt kea sevis long ol distrik na rurel haus sik.

Em i tok olsem Provinsal Helt Atoriti em i makim taim tru bilong senis insait long helt sistem bilong PNG. Em i tok amamas long gavman long gutpela tingting bilong en long senisim helt sevis long kantri. Mista Gubon i bin mekim dispela toktok long taim bilong tingim de Sandaun Provinsal Helt Atoriti i bin kirap long yia i go pinis.

Long witnessim dispela de em ol bikpela lain bilong komyuniti olsem ol helt woka, provinsal gavman opisa, Jerry Kina, Taun Meia bilong Vanimo Eben Atoriti na Ekting CEO bilong Vanimo Jeneral Haus Sik, Dokta Stella Jimmy i bin stap. "Yumi wok long selebretim na tingim bek namba wan eniveseri bilong Wes Sepik Provinsal Helt Atoriti bikos em i taim stret bilong gavman senis insait long helt sistem bilong PNG nai i bungim olgeta liklik hap, hap bilong helt sistem long provins i kam aninit long wanpela provinsal edministretiv ambrela na wanpela gavning bod," Mista Gubon i tok.

"Nau yumi gat senis long makim kos bilong yumi yet long nupela samting yumi ken kamap long bihain taim bilong helt sevis insait long dispela provins, aninit long wanpela Provinsal Helt Atoriti sistem," em i tok.

Mista Gubon i tok visen bilong Sandaun em long kamap namba wan long ol 5-pela Provinsal Helt Atoriti nau i save mekim gutpela wok, long kisim gutpela helt ripot bilong matanel helt, pikinini helt, na long ol sik i save kamap long binatang i kalap i go i kam taim yumi kisim yia 2020.

Sampela wok developmen WSPHA i mekim pinis wantaim haus sik bod em long: olgeta wok-



Dokta Stella Jimmy.



Gerald Gubon – Siaman bilong Wes Sepik Provinsal Helt Atoriti toktok long namba wan eniveseri bilong Wes Sepik Provinsal Helt Atoriti de long Vanimo last wik.

man na meri bilong helt nau i kam aninit long wanpela ogenaisesenal straksa; ol i kisim ol nupela medikal opisa long ol kain kain sik, ol i gat beslain data long olgeta helt fasiliti aninit long Nesanel Helt Sevis na developim 5 Yia Stratejik Implementesen Plen 2015-2020. Ol i kamapim tu sevis impruvmen program, menesing straksa na ol i kisim moa mani long apgret bilong ol bikpela helt fasiliti insait long mani bilong dispela yia.

Wantaim ol apgret na konstrak- sen bilong distrik haus sik na ol helt pos long ol LLG, ol i stretim ol haus bilong ol woklain na ol pe bilong ol woklain em i kamap namba wan long wok bilong WSPHA bod.

Long dispela yia, WSPHA bai pinisim wok bilong Yako Komyuniti Helt Pos, Telefomin Distrik Haus sik, na nupela Intensiv Kea Yuniti (ICU) na Intamidiet Wod long San-

daun Provinsal Haus sik na long Transit Medikal Stua haus.

Mista Gubon i tok tenkyu long ol lida bilong ples na komyuniti, ol sios patna long helt sevis deliveri. Ol sios i holim 70 pesen bilong helt sevis long Sandaun. Em i tok WSPHA i stap long sapotim ol sios na i tekova long wok bilong ranim Raihu Komyuniti Helt Woka Skul ov Nesing i go kamap Nesing Koles long wok bung wantaim Daiosis bilong Aitape na long kirapim bek CHW Komyuniti Helt Woka Skul ov Nesing long Telefomin wantaim Baptis Yunion bilong PNG.

"Salens long mipela nau em long bringim helt sevis long Sandaun na em i bikpela wok tru; tasol long winim bikpela wok olsem em yumi mas save long kamapim nupela kain stail bilong helt long wok wantaim ol patna bilong yumi," Mista Gubon i tok.

# Presen bilong amamas long bebi kamap long Sandaun

OL meri long Sandaun Provins i kisim strongpela tok long ol i mas go long ol haus sik o klinik stret long karim bebi, na bai planti dai no inap kamap long mama na bebi.

Dispela singaut i bin kam long Dokta Angela Seginame, Obstetrik na Gainokoloji Speselis dokta long kamap bilong 'Presen bilong amamas long bebi', wanpela wei bilong Sandaun Provins i luksave long hevi bilong ol mama na bebi i save dai long taim bilong karim. Dispela presen mekpas em ol i bin kamapim luksave bilong en long de bilong Sandaun i tingim bek stat bilong Sandaun Provinsal Helt Atoriti, long Vanimo taun.

Dokta Seginame i tok, provins i gat bikpela namba long ol mama i save dai long taim bilong karim bikos ol i no gat planti lain i bihainim ol famili plening na planti mama i karim nating ausait long haus sik we i no gat man o meri i gat save i helpim ol.

"Mipela i no gat gutpela namba bilong ol klinik sekap bilong ol



Ol meri (bel) wantaim ol bebi presen long taim ol i kamapim nem bilong en long eniveseri bilong SPHA las wik.

mama, em i 17 pesen tasol. Nesanel mak em i 34 pesen na em tu i stap aninit long namel mak. Yumi save wokim liklik famili plening tasol em long 7 pesen; nesanel mak em 24 pesen. Yumi gat 17 pesen mak tasol long ol mama karim long ol haus sik na klinik. Dispela as mipela i laik putim aut dispela 'bebi presen bilong amamas

mekpas' long grisim ol meri long painim wanpela ples we ol helt woklain i stap long helpim ol long karim," Dokta Seginame i tok.

"Presen bilong Bebi long Amamas' em i tingting bilong Wes Sepik Provinsal Helt Atoriti long painim wanpela wei bilong kamapim gutpela mak long helt insait long provins.

Presen bilong Bebi long Amamas mekpas bai go long wan wan mama taim ol i karim bebi long wanpela haus sik o klinik. Em i gat sikspela pek napkin, seft pin, bebi paura, oil, bebi sempu, sop, blanket, tasol, sampela set bebi klos, laplap, londri sop bilong mama, ol seniteri ped bilong mama, laplap bilong mama, wanpela peket bisket,

rais na tinpis, moskito net na marasin bilong sua long bel baten bilong bebi.

Dokta Seginame i tok sampela samting we i save mekim mak bilong ol helt laip bilong yumi go daun tumas em ol kain samting olsem; laip bilong man na meri i no wankain, ol pipel i no gat planti samting, planti meri no save long rit na rait, i no gat planti lain i gat save long wok em i gat gutpela tingting, na save, na long ol helt sistem i wok long pundaun.

Em i tok moa long tripela samting we i save kamapim dai bilong ol meri long taim bilong karim bebi em; ol famili no save tingting hariap long painim haus sik o helt wokman na meri, ol i no save go hariap long haus sik o klinik bikos i no gat mani, i no gat transpot na i save gat taim nogut i pasim rot. Isi, isi tumas long kisim gutpela helt kea, no gat man o meri i gat gutpela helt trening i stap klostu, na i no gat gutpela ikwipmen bilong wok na marasin bilong givim.



# Ol bisnismeri long PNG kisim tok stia long bikpela meri Amerika

Ol meri PNG husat i gat bisnis bilong ol yet, i bin kisim namba wan tok stia na tok skul i kam long wanpela bikmeri bilong Yunaitet Stets, CEO Henrietta Fore long las wik, Jun 20 long Pot Mosbi.

Ol meri i kam long kain kain kona olsem; ol bisnismeri, yunivesiti sumatin, na ol nupela bisnismeri. Em i olsem wanpela hap bilong U.S Embesi Wimen Empawamen Spika toktok.

Mis Fore i toktok long kirapim tingting bilong wokim bisnis. Fore em i CEO bilong wanpela bikpela kampani bilong Yunaitet Stets; wanpela olpela pablik sevan; na strongpela maus meri long wok bilong meri long bisnis na ol rait bilong ol meri long wol.

Mis Fore i stori long ol gutpela we bilong em i go bihainim na

kisim bikpela wok tru olsem wanpela wok we ol man tasol i save holim olsem wanpela U.S diplomat na bisnismeri husat i gat gutpela bisnis, em i tokim ol meri long wanem kain wei long winim ol pasin bilong daunim na lukdaun long meri na go kisim ples antap wantaim ol man.

Em i tokaut long ol meri long lainim wei bilong bisnis taim ol i kamap gut na taim ol i pundaun lng wokim bisnis. Em i tokim ol meri long no ken prèt long senisim wanpela bisnis sapos em i no mekim gut long wanpela.

"Lukim wanem samting ol pipel bai laikim," em i tok.

Mis Fore i autim ol 5-pela rot long bisnis em i lukim long olgeta hap bilong graun: I gat moa singaut long bihainim laik bilong

kastoma; ol kaikai tru bilong ples; sneks o liklik kaikai tasol; rot bilong bringim bisnis na bringing nupela teknoloji long ol projek i stap pinis.

Em i tokim ol bisnismeri long lainim tok ples bilong wok bisnis bikos em i tok, "bisnis em i gat narapela tok ples na yu mas save long ol dispela toktok ol i save yusim".

"Sapos yu inap long helpim wanpela kastoma long stretim hevi bilong em, ol bai stap kastoma bilong yu oltaim," Fore i tok.

Sampela meri long grup i tok ol i laik long win long bisnis i no long helpim ol yet tasol, nogat, em bilong helpim ol komyuniti bilong ol tu.

"Mi laik helpim ol pipel bilong mi. Mi laik givim samting i go bek

long ol na bai mi no wanpela tasol bai sindaun gut antap long gutpela bisnis," wanpela bisnismeri long bung i tok.

Ol meri laikim wanpela rot bilong olgeta taim wok bung wantaim olsem na U.S. Embesi i laik kamapim wanpela hap insait long American Kona bilong Nesenel Laibreri long Waigani long ol bai ken paitim toktok aninit long nesenel PNG Wimens Forum.

Mis Fore em i gat planti luksave long ol bikpela posisen em i holim insait long ol dipatmen bilong U.S. na ol narapela NGO long ol yia i go pinis olsem Senta bilong Stratejik na Intenesenel Stadi, Aspen Institut, Esia Sosaiti, Esia Faundesen, Institut bilong Amerikas na US komiti bilong Pasifik Ikonmik Koperesen Kaunsil.

## Sumatin meri amamas long soim tumbuna bilas

James G. Kila i raitim

MADANG Festival 2015 i givim naispela sans tru long ol skul pikinini long soim na tu lainim ol pasin kalsa bilong ol long sait bilong bilas na singsing na danis.

Festival long dispela yia we i bin kamap long stat bilong dispela mun i lukim ol sumatin long praimer, haikul na sekenderi skul i amamas long putim bilas makim eria ol i kam long em long samsam long Laiwaden oval.

Em gutpela olsem ol skul long kantri i mas go het long promotim ats o skul bilong strongim pasin tumbuna na kastom long lainim ol sumatin bilong yumi long holim strong pasin bilong PNG stret.

Long poto em sampela sumatin i werim bilas bilong Manus provins na redi long samsam long Madang Festival.



## Ol meri kamap opisa bilong holim ol trabelman bilong solwara

Frieda Sila Kana i raitim

I GAT foapela meri nau i stap insait long wanpela kain wok we ol man tasol i save wokim long bipo, em long Monitaring na Kompaliens Seveilens (MCS) seksen bilong Nesenel Fiseris Atoriti (NFA) we ol i gat wok long lukautim ol pis tuna na ol narapela pis long solwara bilong Papua Niugini.

Dispela tripela meri em Komplaiens Menesa, Martina Ragagalo, Glenda Barry, Senia Fiseris Opisa bilong tuna na Pauline Hombuhanje, Nupela Fising Opisa. Wanpela meri i no bin stap long trening bikos em i stap long holide.

Tupela wik i go pinis, dispela tripela meri i bin kisim setifiket wantaim 19-pela man opisa bilong NFA long wok bilong Monitaring, Komplaiens



Tupela bilong ol meri opisa bilong NFA husat bai mekim wok bilong MCS long banisim tuna pis - L-R Glenda Barry - Pauline Hombuhanje sanap long Woks Trening Senta long Pot Mosbi.

Poto: Frieda Sila Kana

na Seveilens. Dispela i makim namba wan taim ol meri opisa i go insait long dispela kain wok tasol ol tripela meri i no surik long dispela.

Mis Martina em i kisim promosen bilong en long kamap Menesa i no longpela taim i go pinis olsem na em i kisim

dispela trening long lukautim ol dispela 22 man na meri long wok bilong ol long tuna Komplains. Em i tok, em i luksave olsem, long kamap wanpela gutpela opisa bilong Fiseris, ol opisa i mas gat ol raitpela save na ol samting bilong wok long ol i ken mekim

wok gut. Em i tok strong long ol opisa i mas ritim gut na stadi long Fiseris Ekt na Regulesen na ol arapela Menesmen Ekt long ol bai save long wei bilong holim ol lain i save brukim ol dispela lo.

"Wok bilong yumi em long banisim na lukautim ol pis bilong solwara bilong yumi," Mis Martina i tok.

Tupela yangpela meri, em ol greduet bilong nupela Fiseris Kos we ol i kisim long Yunivesiti bilong Netsurel Risos na Envairnmen long Vudal. Glenda Barry husat i bin stap long ol namba wan lain i kisim dispela kos em i bin wok long Edministresen bilong MCS tasol nau em i kisim promosen olsem Senia Fiseris Opisa bilong tuna. Em i bin wok 5-pela yia pinis aninit long dispela seksen pastaim long em i kisim promosen.



Yut, Meri na Famili  
Pastor  
Barbara Lunge

## Marimari bilong God long lain i gat sik

BIKPELA God i laikim yu long stap gut na helti long mekim wok em i kamapim yu long mekim.

Buk Song 139: 13-16 "Yu bin wokim olgeta hap bilong bodi bilong mi. Yu wokim mi olgeta insait long bel bilong mama. Mi pre long yu, olsem na mi save litimapim nem bilong yu. Mi save gut long dispela samting na mi pilim tru. Taim mi kamap isi isi long ples hait insait long bel bilong mama, yu bin lukim olgeta bun bilong mi i kamap na i pas wantaim. Yu lukim mi taim mama i no karim mi yet. Mi no kamap yet long graun, tasol yu raitim pinis long buk bilong yu olgeta de yu laik bai mi mas i stap long graun."

Planti pipel insait long kantri bilong yumi i stap long presa bilong wok, sik, wari, planti hatwok, wari na bel hevi long ol samting i no save kamap gut, belhat long narapela, i no save lusim rong na ol kain hevi olsem ol i karim. Tok bilong God i tok long Matyu 11:28 "Yupela ol man i save hatwok tru na i karim ol bikpela hevi, yupela olgeta kam long mi na bai mi givim malolo long yupela."

Bikpela i givim singaut long yumi kam long em wantaim wanem kain hevi na sindaun yumi gat. Bikpela em i gat bikpela marimari na em i pulap long pasin bilong laikim na bel isi long ol husat i kam long em wantaim hevi bilong ol. Dispela tok "marimari" i minim olsem God i gat gutpela tingting long yumi, maski yumi no save mekim gutpela pasin. Tok bilong God i tok olsem pawa bilong em i save kamap strong taim yumi no gat strong. "Marimari bilong mi em inap long yu. Long wanem, strong bilong gmi em i save kamap strong tru long man i no gat strong." 2 Korin 12:9

"Olsem God i tokim ol,... Mi yet mi Bikpela. Na mi tasol mi save mekim ol sik bilong yupela i orait gen." Kisim Bek 15:26.

Jisas yet i karim ol sik na bagarap long bodi antap long diwai kruse. "Krais i bin hangamap long diwai kros na i karim sin bilong yumi long bodi bilong em yet. Em i mekim olsem bai yumi ken lusim pasin bilong sin olgeta, na yumi ken i stap laip na bihainim ol pasin i stret olgeta. Ol i bin paitim em nogut, na long dispela pen em i karim em i mekim yupela i kamap orait gen." 1 Pita 2:24.

Olsem na yumi olgeta i mas tok sori long tanim baksait long God na long yumi no tingim long painim em taim yumi gat sik na bagarap. Tanim bel na go bek long God na Bikpela bai lusim sin bilong yumi na oraitim ol sik na bagarap long yumi.

"Em i save lusim olgeta sin bilong mi, na em i save mekim orait olgeta sik bilong mi." Buk Song 2013:3. Na tu ritim long Wok bilong Aposel 3:19 "Olsem na yupela i mas senisim tingting nogut bilong yupela, na tanim bel, na bai God i rausim ol sin bilong yupela."

Wei bilong yu bai stap yet wantaim God bihain long yu mekim disisen long bihainim em, taim yu kisim orait long sik bilong yu. Namba wan yu mas olgeta taim lotu long em, na namba tu, yu mas go long wanpela sios we ol i save bilipim Tok bilong God, na namba tri yu mas tokim ol narapela long wanem samting God i mekim long laip bilong yu.

**Toksave: Sapos yu i gat wari, tingting planti, yu mas ringim mi na bai mi helpim yu. Raitim pas long dispela adres na fon namba. Barbara Lunge, ROGIM, P.O. Box 3063. Boroko. NCD. PNG, o ring long 79638276 o salim email long: lungeb37@gmail.com**



# Katolik Eduketa bung pinis gut



## GIVIM WANTAIM AMAMAS

(2 Cor 9: 6-15)

Long 2011, mi wantaim kasen bilong mi i draiv lusim Larantuka, taun bilong mi na i go long Maumere taun long Flores Ailan, Indonesia.

I gat planti stori mitupela i wokim long rot. Wapela stori mipela i bin serim wantaim em i PASIN BILONG GIVIM.

Givim wantaim amamas, em i wapela gutpela pasin i stap insait long femili bilong mipela. Taim mipela i stap pikinini yet, papamama i skulim mipela long soim gutpela pasin long givim helpim long narapela manmeri.

Long Sande, papamama i save givim mipela sampela mani taim mipela i go lotu. Ol i askim mipela i mas putim dispela mani insait long bokis bilong ofa. Maski liklik toea, tasol em i bai inap long helpim narapela manmeri i gat nid long en.

Tok advais bilong papamama i kamap olsem wapela gutpela pasin bilong mipela. Em i stap pas wantaim blut na mit bilong mipela. Mipela luksave olsem, long givim helpim i go long narapela manmeri em i wapela **obligation** bilong mipela na em i gutpela pasin tru. Sapos yu givim, GIVIM WANTAIM AMAMAS.

Santu Pol, long namba tu pas bilong em i go long Korin, (9:6-15) –em i serim spiritual eksperiens bilong em long gutpela pasin long helpim wantok o narapela manmeri.

Em i givim tok advais long manmeri bilong Korin olsem – sapos manmeri i planim liklik, em i bai harves liklik tu. Tasol ol manmeri i save planim planti, ol i bai kisim bikipela harves long hat wok bilong ol.

Mekim gut long narapela manmeri i olsem wapela weapon bilong lain Aborigin long Australia, ol i kolim Bumerang. Taim yu tromwe dispela boomerang i go – em i no go olgeta. Em i bai kam bek long yu gen.

Wankain olsem pasin bilong mekim gut long narapela manmeri. Yumi bai lusim tingting long gutpela wok yumi i bin mekim long ol. Tasol manmeri i kisim helpim long gutpela wok yumi mekim, em i bai tingting olgeta taim. Em i bai i no inap lusim tingting. Olsem na wapela taim ol i save bekim gutpela wok yumi bin mekim long ol.

Sapos yumi mekim planti gutpela wok, yumi bai kisim planti moa i winim gutpela wok yumi bin mekim long ol. O long tok English: *“The more you give, the more you will receive”*.

Na sapos yumi mekim liklik gutpela wok tasol, yumi bai kamapim strongpela mi-pasin (*greedy*) insait long laip bilong yumi. Yumi bai nogat planti pren, bikos yumi yet i pasim dua na windua bilong yumi yet long God na manmeri bilong dispela graun.

Tingim gut. Yumi olgeta em i siosial manmeri bilong graun. Yumi i no inap stap laip sapos i nogat narapela manmeri i stap nabaut long yumi. Olsem Santu Pol i tok long pas bilong em, “God i save laikim tumas ol manmeri i givim wantaim amamas (2Kor 9:7).

Olsem na noken gridi tumas long laip bilong yumi. Noken tingting tumas long yumi yet na i lusim tingting long narapela manmeri i stap wantaim yumi.

**WANPELA wik bung bilong ol Katolik Edukesen seketeri na ol Rilijes Kodineta i bin go na pinis gut wantaim 39 ol bik manmeri long bung i kisim strong long skruim ol wok na plen bilong ol insait long ol wan wan daiosis bilong ol.**

Wantaim het tok, “Kisim Gutnius bilong Jisas insait na long ol Daiosisens famili bilong yumi,” as tingting bilong konprens em long givim stia na strong long profesenel na spiritual sait bilong ol bik manmeri ya.

Kwaliti edukesen na skulim ol stretpela na gutpela pasin em wapela long ol samting ol i bin toktok long dispela bung.

Wapela stetmen i kam long Sister Mary McCarthy long Katolik Edukesen opis wantaim Katolik Bisops Konprens (CBC), i tok

yumi mas skulim, mekim na bhainim ol gutpela pasin olsem tok tru, mekim gut ol narapela bikos skulim tasol ol dispela vetyu i no inap.

“Ol velyu em ol bilip na ol i bilong het. Ol vetyu o stretpela pasin i bilong hat o lewa. Ol i save bildim ol strongpela manmeri,” Sister Mary i tok.

Wapela woksoip insait long dispela wapela wik bung i bin lukluk long PNG olsem wapela spoting kantri, na olgeta i bin kisim spirit bilong Pasifik Gems bai klostu taim i kamap.

Ol lain long konprens i bin wanbel tu na kisim strong long stetmen bilong AGM bilong ol Katolik Bisop long Pasifik Gems.

Ol wan wan Katolik edukesen seketeri na RI Kodineta i bin givim ol ripot bilong ol long ol

wok kamap na tu, ol rot bilong monitaim na glasim na skelim.

Ol i bin lukluk, glasim na skelim pesenel divelopmen kurikulum bilong ol Gret 6-8 sumatin wantaim saplimenteri program ol i kolim Dare to Love we bilip bilong yumi i tok Ol i mekim Yumi olgeta long piksa bilong God. Dispela em long traim stopim ol pait insait long ol skul, ol skul sumatin na ol lain krismas bilong ol i no inap yet i karim bebi, kisim ol drag na yusim krangi moden teknoloji.

Ol i bin prisenim tu lukautim ol pikinini polisi raiting, implimentesen na monitoring na grup diskasen long dispela i kamap long ol wan wan skul na daiosis bilong ol i bin kamap, na wan samting ol i wokim long edresim ol.

Grup bilong ol edukesen seketeri i bin lukluk raun i go long Nesenel Dipatmen bilong Edukesen na toktok wantaim ol lain long perol seksen taim olk RI kodineta i bin go long Sekret Hat Tisas Kolis long Bomana.

Bisop Rochus Tamatai bilong Bereina Daiosis i bin go pas long pasim bung wantaim Misa Lotu. Long ol toktok bilong em, Bisop Rochus i bin salensim olgeta long mekim gut wok long misin bilong Katolik Edukesen.

Olgeta lain i bin amamas long bung i kamap na ran na pinis gut. Na olgeta i bin lusim Mosbi wantaim ol nupela save long ol sampela samting ol i lainimna strongpela tingting long go hetim ol plen bilong ol.

Kain bung i save kamap long olgeta yia na ol i save holim long Don Bosco Teknikel Institut Emmaus Konprens Senta.

## Jiwaka distrik pasta luksave long pastoral ministri

Pasto Jones Egggu em i bilong Dawoo Seket long Kerowgi.

Em i bin skul long kamap pasto long Timothy Luteran Seminary long Wabag, Enga Provins. Maski em i bilong Kerowgi long Jiwaka tasol long bilip em i gat na go skul long Gutnius Luteran Sios long wanem em i driman bilong em long kamap pasto taim em i bin stap long haiskul.

Em i stat long 1988 na pinis long 1992. Long 2006 em kamap seplin long Milep Luteran Haiskul. Long Milep em i save givim moa taim long lainim sumatin tru long relijius instraksen long tok bilong God. Planti bilong ol sumatin i pinis na greduet long sampela skul na holim wok. Sampela ol sumatin olsem Isaac Pak nau em Medikol Asisten long Goroka, Rachael Buno pikinini meri bilong fomer Jiwaka distrik presiden nau primeri skul tisa, Cathy Mondo, Tisa, Mond Palme, Lands Suveia.

Bikipela bilip bilong em stap yet na maski em kamap bikman tasol em givim moa taim na driman bilong em i no asua, em i go het long skruim save long tioloji long Martin Luther Seminary long Lae. Long 2004 em i stat long skruim save long Betsela long tioloji (BTH) na long 2016 bai Pasto Egggu Jones i greduet.

Long lukluk bilong tude maski yu kamap pasto na stap long wapela peris o kongrigen, tasol driman bilong yu long go het long skruim save yu ken i go het long skruim save long mekim tok bilong God inap slip tru long bel bilong yu na autim long strongim wok bilong Gutnius.

Maski Pasto Jones em marit na i gat 2-pela pikinini meri, tasol em no tingim tumas long famili, bikipela samting long kam bilong em long semineri na strongim wok bilong autim Gutnius bikos nau yet ol Kristen sot yet long tok bilong God.



**ALOTAU DAIOSIS:** Sr Emma Lapun i wok olsem Katolik Rilijes Edukesen Kodineta i amamas long mekim wok long naispela provins olsem Milen Be. i no gat hevi long ol skul long Milen Be olsem ol narapela provins, tasol trenspot i wapela hevi bikos em i mas kisim ol motobot na kanu long raun long ol liklik ailan long ol wok bilong em. Tasol em i no wari bikos ol pipel i gat gutpela pasin na no gat raskol o bikhet pasin long provins bikos em ol pipel bilong stap isi na mekim gutpela wok poroman wantaim ol narapela.



**OIL Search Rilei Baton i bin bung tu ol sios woklain taim em i mekim raun long ol provins insait long dispela kantri. Hia yumi lukim Bishop Tennyson Bogar i blesim Baton na Tim PNG taim em i bin kamap long Dogura Angliken Sios Katitrel long Milen Be Provins. Foto: MadNESS Photography**



# Ol pipel bilong Mosbi i gat bikpela wok long lukautim gut ol spot fasiliti



LONG Mosbi long dispela wik, ol pipel i amamas tru long taim Praim Minista i opim bikpela ples bilong pilai, Sir John Guise Stadium. Gavman i bin lusim moa long K78 milien long sanapim dispela bikpela ples pilai na nau i redi long ol pilai bilong Pasifik Gems.


Ol lain husat i bin go lukim dispela ples pilai i amamas bikos em i bikpela stedium na i gat ol gutpela ples bilong planti tausen manmeri i sindaun gut na lukim pilai. Ol opis na arapela samting bilong ranim gut ol pilai i wol klas na i givim bikpela namba long PNG long lukautim ol bikpela pilai.

I gat tu bikpela ples bilong swim na ol arapela spot long Taurama Akuetik senta. Swimming pul na ol arapela samting tu i wol klas na i redi tasol long Pasifik Gems. Dispela bikpela ples bilong swim na ol arapela pilai i kostim bikpela mani tru.

Ol arapela ples bilong pilai i klostu redi tu na nau i gat tupela wik bipo long Pasifik Gems i stat long Julai 4. Taim i wok long ran hariap na ol wok tu i ran hariap long redi gut long bikpela de long Julai 4.

Nesenel gavman i investim bikpela mani tru long ol dispela spot fasiliti long Mosbi. Ol arapela provins i no lukim kain invesmen olsem long ol ples pilai. Olsem na bikpela hevi tru i mas stap long ol pipel bilong NCD.

Ol dispela fasiliti i stap long Mosbi na ol pipel bilong siti bai i yusim oltaim. Olsem na bikpela askim nau em long ol pablik long Mosbi i mas lukautim gut ol dispela



### 5-pela yia bihain long Pasifik Gems, bai yumi lukautim gut ol fasiliti bilong stedium?...

Jada 015

fasiliti.

Gavman i lusim bikpela mani tru. Kain mani olsem inap long sanapim moa haus sik na helt senta na wokim moa klasrum na givim gutpela trening long ol tisa na bringim planti arapela sevis i go long olgeta kona bilong PNG. Tasol gavman i

putim dispela man i go long sanapim ol dispela bikpela infrastraksa bilong spot long Mosbi siti.

I gat ol gutpela manmeri na i gat ol lain husat i no save wari long ol samting bilong pablik. Ol i raun long bagarapim ol naispela pes bilong ol samting, kapsaitim pent long banis

na bagarapim ol ples bilong sindaun na spetim buai na tromoi pipia nabaut. Ol dispela lain i no gat gutpela tingting. Ol i stap yet long tudak.

I bin gat kain kain toktok i kamap long taim konstraksen wok i kamap long sanapim ol dispela ples bilong

pilai. Samting toktok i gutpela tasol planti moa i no gutpela tumas.

Ol i tok mani i lus nating na bihain long 5-pela yia bai ol samting long dispela ples pilai i stat long bagarap, bai i no gat mani bilong lukautim ol na bihain long 20 yia bai yumi mas senisim gen.

Sampela toktok i tru. Tasol bikpela sapot i stap long ol dispela nupela fasiliti. PNG i soim olsem yumi inap. Orait nau yumi ol pipel bilong Mosbi i mas sapotim nesene Minista bilong Spot na Gavana bilong NCD na yumi tu i mekim wok bilong lukautim gut ol dispela fasiliti.

Bihain long Pasifik Gems, bai yumi ol pablik i yusim. Nau i taim bilong ol skul insait long siti, ol lotu grup na ol arapela spot grup na ol sapota bilong ol, na ol manmeri nating long kisim tok save na soim rispek na yusim gut ol dispela samting.

Wan wan yia bai i mas gat mani i go long baset bilong lukautim ol dispela fasiliti.

NCDC yet wantaim nesene gavman bai tokaut long husat bai givim mani i go long lukautim ol dispela nupela fasiliti insait long siti. Em i bikpela invesmen tru olsem na i mas gat mani i kam insait long wan wan yia long lukautim na mekim mentenens wok.

Pes bilong Mosbi siti i senis nau na i luk olsem wanpela siti tru. Orait, pasin bilong ol pipel insait long siti tu i mas senis na strongim pasin bilong lukautim gut ol pablik fasiliti olsem ol spot graun na ikwipmen.

## Stail KILIM YUMI

Lukluk gut long ol konman husat i werim ol klos bilong ol bikpela kampani. Bai ol i kam giamanim yu olsem ol i wok wantaim ol na ol i ken givim yu ol samting long diskaun prais... Bai ol i laikim kesmoni pastaim na bai ol i karim kago i kam... (Gris toktok i moa yet)..



Jada 015

## WANTOK

Published Weekly, Thursday, for Word Publishing Company, Ltd.  
P.O. Box 1982, Boroko, NCD  
Papua New Guinea  
Telephone: (675) 325 2500  
Fax: (675) 325 2579  
Email: editorial@wantok.com.pg  
Websait: www.wantokniuspepa.com  
Pe bilong wanpela yia, 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager  
Elizabeth Konga  
  
Editor  
Veronica Hatutasi

Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



# Ansolom kamap embaseda bilong refuji

Esther Bralyn Wani i raitim

INTANESANEL atis Anslom Nakikus i kamap embeseda bilong Wol Refuji De we PNG Imitigresen na Sitisensip Atoriti (ICSA), Intanesenel Ogenaisesen bilong Maigresen (IOM) wantaim ol Yunaitet Nesens (UN) Ogenaisesen i luksave long dispela de long Jun 20 long Sarere insait long Pot Mosbi.

Het tok bilong Wol Refuji De long dispela yia em 'Refugees need our helping Hand o 'Ol Refuji i nidim helpim bilong mipela'.

Anslom i stap long Johannesbeg long Saut Afrika na i raitim 9-pela singsing na i rekot long Studio bilong Lucky Dube. Em kam bek long Papua Niugini long luksave long dispela de long tingim ol pipel husat i lusim kantri bilong ol long ol hevi na pait long ples bilong ol.

"Mi stap na ol tok long wanpela miting na ol tokim mi long kamap embeseda bilong Wol Refuji De. Mi amamas long kamap embeseda bilong dispela de bikos mi laik singsing long ol isu i kamap long wol na inap nau long singsing long meri tumas." Anslom i tok.

Mista Nakikus i tok em i raitim nupela singsing bilong em olsem tripela wik tasol bipo long Wol Refuji De. Em i tok olsem tripela de



Anslom Nakikus i singim ol biknem singsing bilong em na em i pasim wantaim nupela song bilong em, 'Give them a helping hand'. Foto: Nicky Bernard

tasol na em kam rekotim dispela singsing long PNG.

Taitel bilong nupela singsing bilong Anslom em 'Give them a helping hand' we i go wantaim het tok Wol Refuji De long dispela yia.

Em i tok em i no laik kamap politikel singa tasol em laik long singsing long ol isu.

Em i tok em mekim wok painim aut bilong em na lukim olsem planti kantri i stap insait long dispela hevi na em pilim olsem em mas singsing long en.

Em i hop o tingting olsem dispela singsing bai i kamap hit singsing o wanpela singsing planti pipel i laikim.

Planti manmeri i kam long lukim Anslom i singsing.

Dispela de i kamap gut stret wantaim Anslom i bilasim dispela de wantaim ol biknem singsing bilong em olsem, 'Membra' na ol narapela.



Ol Wes Papua i soim wanpela danis bilong ol long selebretim Wol Refuji De.

# PNG i luksave long Wol Refuji De

Esther Bralyn Wani i raitim

OL WES Papua Refuji i kam bung wantaim ol pipel bilong Papua Niugini long selebretim Wol Refuji De long las wik Sarere.

Dispela de i putim smail long pes bilong ol Wes Papua husat i save stap long PNG wantaim het tok 'Ol Refuji i nidim helpim han bilong mipela'.

Tasol insait long bel bilong ol wari i pulap long wanem ol i lusim ples bilong ol long ol pait na dai i kamap long graun bilong ol.

Lida bilong Wes Papua Komyuniti long PNG, Pasta Basfairio, husat i stap long PNG olsem 44 krismas nau i no kisim sitisensip yet.

Em i tok tupela pikinini bi-

long em i bikpela long hia long wanem tupela wan tu i kamap sitisen.

Tasol, em wantaim meri bilong em i no kamap sitisen bilong PNG yet.

Pasta bin wok wantaim PNG Turism Bod long 1972 na bihain em i stat wok long 1972 wantaim Yunivesiti bilong Papua Niugini (UPNG) long 14 krismas. Em i no gat wok nau na em i stap nating tasol.

"Mi tok tenkyu long yupela olgeta na PNG Imitigresen na Sitisensip Atoriti (ICSA) wantaim ol narapela ogenaisesen long sapot bilong yupela. Tenkyu long PNG long go het wantaim mari mari bilong yupela," Pasta Basfairio i tok.

Long wankain taim, Ekting Sif Maigresen Opisa, Esther

Gaegaming i tok ol i luksave long dispela de long makim UN Konvensen na givim pasin bilong lukautim narapela long husat i ranawe long kantri bilong ol.

Mis Gaegaming i tok moa olsem na tu em i gutpela pasin long long luksave long ol refuji olsem ol human na bungim olgeta pipel long luksave long dispela de.

"Long wol yumi lukim planti pipel i lusim kantri bilong ol long ol pait na ol hevi. Long dispela em i gutpela long yumi selebretim dispela de long PNG. Em i pablik samting long mekim awenes na harim wari bilong ol refuji na tu luksave long ol sosol, kalsarel, ikonmik na ol narapela helpim ol refuji i mekim long kantri," residen kodineta bilong Yunaitet Nesens, Roy Trivedy i tok.

Refugees em ol manmeri olsem yumi. Ol ihamamas long wok na lukautim ol yet. Ol iken lainim yumi long planti gutpela save na halivim yumi long kirapim ekonomi bilong Papua New Guinea.

# REFUGEES LAIKIM HALIVIM BILONG YUMI

PNG ken halivim ol refugees long painim gutpela sindaun wankain olsem ol narapela kantri imekim.

Toksave ikam long Gavman bilong Papua New Guinea.



Nem: Mr. Bill Brabar

Asples: Papua, Indonesia

Wok: School Principal



# Stori bilong tumbuna



## Dok Gutpren Bilong Man

**B**ipo tru long taim bilong ol tumbuna yet, tupela bratasusa i stap long wanpela ples ol i kolim Semin. Nem bilong man em i Hil na nem bilong meri em i Naowe.

Wanpela de Hil i tokim susa bilong em; mi laik go lukautim sampela kapul long bus. Nau susa i kirap i redim sampela kaukau pinis puimapim long bilum na givim em.

Orait, Hil i kirap i go kamap long bikbus tru na lukim wanpela bikpela diwai i stap. Em i go kamap long as bilong diwai na lukim wanpela bikpela hul i stap. Em i putim daun ol samting bilong em na supim han bilong em go long hil. Man, wanpela bikpela kapul i stap insait na kaikaim han bilong em na i no inap long pulim i kam ausait. Kol win tu i bakrapim em na i wet.

Wanpela dok i kamap nem bilong em Kanmap. Dok i askim em, pren yu mekim wanem long as bilong diwai? Hil i tok pren wanpela kapul i bin kaikaim han bilong mi na mi no inap long pulim i kam ausait.

Nau dok i go insait long hul bilong diwai na kilim dispela kapul na i pulim i kam ausait. Man hia i amamas nogut tru long dok.

Dok i tok bai yu mekim wanem long dispela kapul? Man i tok, pren mi kam long lukautim dispela samting tasol.

Sapos yu helpim mi long kilim 20-pela kapul long dispela de tasol bai mi kisim yu go long haus bilong mi na givim yu gutpela kaikai bilong gaden.

Dok i harim gutpela tok bilong Hil na i go long dispela de.

Nau dok i tokim Hil, pren mi no laik ol arapela kaikai. Mi laikim kaukau tasol.

Hil i tokim dok, yes bai yu lukim. Susa bilong mi bai i save kukim ol switpela kaukau.

Ol i mumuim olgeta kapul long haus na kukim kaukau bilong dok long paia. Tupela bratasusa i kaikai kapul na givim kaukau long dok na dok i pinisim tru kaikaim kaukau.

Nau dok i pren tru wantaim Hil na helpim em long kilim kapul.

Nau tu yumi lukim pasin bilong dok i no save lusim ol.

**Saimon Saiminal,  
Erave/S.H.D.**

### TOKSAVE:

WANTOK i askim ol gutpela rida bilong em long salim ol **tumbuna stori** i kam na bai mipela i putim long niuspepa. Sapos stori bilong yu i gutpela na mipela i putim long niuspepa, bai yu winim **K50** we mipela bai salim i go long akaun bilong yu, o salim mobail yunit inap long **K50** i kam long fon bilong yu. Salim nem, edres na mobail namba bilong yu wantaim stori i kam long dispela edres: *Stori Tumbuna, Wantok Niuspepa, C-Word Publishing Company, P O Box 1982, BOROKO, NCD, PNG* o email edres: [editorial@wantok.com.pg](mailto:editorial@wantok.com.pg) Telepon namba: 3252500. Tenkyu

## Raun wantaim Wantok kru ...

# Rural manmeri na pikinini guria na amamas long lukim tablet fon



Mama ya Lindi Manawa i amamas long lukim em yet long tablet na soim piksa long ol arapela long ples Iguruwe.

### James G. Kila i raitim

**L**ONG Septemba 16, 2015, Papua Niugini, kantri bilong yumi bai makim 40 yia long independens na long planti kain kain selebresin bai kamap long ol biktaun na siti insait long kantri.

Tasol long planti ol rurel o longwe ples na hauslain insait long PNG, planti ol senis i no kamap yet insait long dispela 40 yia. Ol manmeri i stap long laipstail wankain olsem pastaim long PNG independens, na amamas long laik bilong ol yet long wanem liklik samting ol i gat.

Long wankain taim tu, tude long planti ol bikpela taun na siti, kain kain ol nupela teknoloji, o

nupela ol masin na samting bilong yusim i kam na i wokim laip bilong ol manmeri i go isi. Wanpela long ol dispela samting em mobail fon, we i mekim komyunikesen o rot bilong salim toktok i go kam i go isi tru. Long nau yet ol manmeri long taun na ol eria we i save kisim mobail fon komyunikesen i toktok na lap na stori wantaim ol lain bilong ol long ples bikos long mobail fon tasol.

Kain kain mobail fon tu i kam, na i no long taim i go pinis, tablet fon i kam na tude planti ol bikpela man na tu ol wokman meri long taun i gat ol tablet we ol i save yusim long ring na toktok i go kam, na tu kisim piksa na soim ol arapela.

Long las wik Fonde, wanpela wanwok bilong mi Allan Wahwah i bringim tablet bilong en i go long wanpela rurel komyuniti long Usino LIG long Madang provins, na dispela tablet i mekim planti lain i amamas tru long lukim ol yet insait long piksa.

Wanpela mama nem bilong em Lindi Manawa i bin singsing long welkam long ol lain i go long ples long Iguruwe, na Allan i kisim piksa bilong em long tablet fon bilong em. Bihain em i soim mama ya Lindi, na olgeta lain pikinini na man bilong Lindi tu i amamas long lukim mama bilong ol i singsing i go kam.

Tupela liklik pikinini tu nem bilong ol James Jeffrey na Luxie

Wilson i amamas tru long lukim ol piksa olsem muvi stret long tablet na lukluk longpela taim stret.

Lindi i tok em namba wan taim bilong en long lukim kain bikpela kain mobail fon olsem. Em i tok em i amamas tu olsem piksa bilong em i stap insait long mobail fon tablet.

Yes, PNG i go insait long planti kain kain senis long ol bikpela taun na siti, tasol planti ol rurel komyuniti bilong yumi i no save long planti ol kain nupela senis yet.

Salens i stap long Gavman bilong yumi nau long bringim ol sevises olsem gutpela rot, helt senta na edukesen i go long ol rurel komyuniti na tu strongim komyunikesen.




Tupela liklik boi James Jeffrey (lephan) na Luxie Wilson i lukluk strong tru long ol piksa long tablet. Ol foto: James G. Kila



Em nau! Ol pikinini i ken painim rot i go long ples wantaim Wantok kru...

# Sudoku



			8	6	3	2
4		9		2	1	
6	8		3			
	9			7	6	1
	2			6		7
3		7		8		4
				5	1	9
		5	9		3	6
9	1		6	8		



						6	
2	9					3	1
	1		6	3	7		
					2	5	3
3				4			8
1	2	4	8				
			7	9	8		1
7		1					5
		3					

Ansa bilong Sudoku # 113 na # 114 neks isu

5	1	3	9	7	8	6	2	4
9	7	2	4	1	6	3	8	5
6	8	4	2	5	3	1	9	7
8	4	7	6	9	5	2	1	3
2	9	6	3	4	1	7	5	8
1	3	5	8	2	7	4	6	9
3	5	8	7	6	2	9	4	1
4	6	1	5	3	9	8	7	2
7	2	9	1	8	4	5	3	6

9	1	5	6	7	8	2	4	3
3	2	8	4	9	5	6	1	7
7	4	6	1	2	3	5	8	9
6	5	2	9	1	7	8	3	4
4	7	1	3	8	2	9	5	6
8	9	3	5	4	6	7	2	1
5	8	9	7	3	1	4	6	2
2	3	4	8	6	9	1	7	5
1	6	7	2	5	4	3	9	8

Ansa bilong las wik Sudoku # 111 na # 112




Ol wod lista hia:

- AVEN
- AUTBOTMOTA
- BIPOTAIM
- BILUM
- BOILIM
- DIWAI
- DRINGIM
- EMTUPELA
- FONDE
- GRIN
- GUMI
- HAISKUL
- KALAP
- KATOLIK
- KLOSTU
- KUSKUS
- LIVA
- LONGPELA
- MIKSIM
- MISIN
- NOGAT
- OPIM
- PAPA
- PLANTI
- PROMISIM

V O G W Z K I N G E U S I C D N P E C L  
 S E I H P L A H R B N E C R F O M I L D  
 M E F L E A V N R D D J L Y B U M E H V  
 C F K N E U E Q J H F E I R B K D D R N  
 S N L D L K N E N B O S E J Q D U B P C  
 G K R N O M A M E E N R H R G E O O L M  
 D K H O P B L T P X D P K G J S N I A L  
 E E P G I H I U O S E R R E C U W L N L  
 P S H A M E T P M L W D I T O I E I T U  
 N B W T P N P E O X I S S N T P G M I D  
 L I S N S A R L E T K K P E G A T F C A  
 D C C S N O T A T L A L R N T I W E N V  
 P O N I N I E I X N L I O O M P M I L O  
 M V R D L R I H Y G A L M S R E F E T T  
 D G O W K N E A N G P T I B T I M E T N  
 E X B B S U Q I R I O E S L G U M I E N  
 O Z S E O Y S S N B B E I S L R R E N M  
 F Q L S N I X K T A E C M I K S I M E M  
 E I F C M D G U U S B U B N E X F T I V  
 O S J L I V A L I S R Z S T B R E I N O

Ansa bilong Wod Pilai isu 2127





# Japan embasada i tok amamas long wok bilong Gren Sif Sir Michael Somare

Long Tunde 23 Jun, Embasada bilong Japan, Morio Matsumotoi wokim wanpela spesel bung kaikai long haus bilong em long Mosbi long selebretim bikpela namba gavman bilong Japan i bin givim i go long Gren Sif Sir Michael Somare long bikpela wok em i mekim long

strongim pren namel long Japan na PNG. Nem bilong dispela bikpela namba Japan i givim long Gren Sif Sir Michael Somare em, Grand Cordon of the Order of the Rising Sun. Dispela em i top namba tru Japan i save givim long ol ovasis manmeri, na ol i bin givim long Sir

Michael long 8 Me 2015 long Imperial Palace long Tokyo. Embasada Matsumoto i toktok long dispela bung na em i tok amamas long Gren Sif Sir Michael Somare long bikpela wok em i bin mekim. Em i tok dispela yia, 2015 i makim 40 yia bilong diplometik wok bung namel long Japan na PNG.

Embasada Matsumoto i toktok long ol wok bung Sir Michael i bin mekim long strongim pren namel long PNG na Japan long bipo na long nau. Long dispela taim tu Embasada Matsumoto i tok amamas long PNG i kamap wanpela lida namel long ol Pasifik kantri. Em i tok ama-

mas tu long kantri bai i go pas long 2015 Pasifik Gems long mun Julai na long lukautim miting bilong Pasifik Ailan Forum long mun September. Praim Minista bipo, Sir Rabbie Namaliu na ol PNG embasada long Japan bipo, i bin stap tu long dispela bung long Tunde nait.



**SOMARE KISIM NAMBA:** Long bung kaikai, ol pren bilong Japan na Gren Sif Sir Michael Somare i bin stap. Olpela Praim Minista bilong PNG Sir Rabbie Namaliu i bin wanpela long ol yumi lukim i sindaun na tupela Sir Michael i stori wantaim Embasada bilong Japan long PNG, Morio Matsumoto na meri bilong em, Yoko Matsumoto. Ol i paitim han long toktok bilong wanpela bikman i mekim.



**TENKYU:** Sir Michael i wokim tenkyu toktok long luksave we gavman bilong Japan i givim long en. Long hankais, wokmeri bilong Japan Embasi, Judith na namba tu seketeri bilong Japan Embasi long Mosbi.

**BUNGIM OL PREN:** Tupela Embasada Matsumoto na meri bilong em Yoko i welkamim Sir Michael taim em i go long haus bilong ol long Tuagoba Hills long Mosbi long bung kaikai long dispela wik Tunde nait.



**JAPAN NA PNG PORO STRONG YET:** Sir Michael i kisim poto wantaim Embasada Matsumoto na meri bilong em long bung kaikai taim. 40 krismas wok pren namel long PNG na Japan i gro strong nau yet. Japan em i namba wan kantri tu long baim PNG-LNG ges bilong PNG taim namba wan sipmen i kamap long las yia.  
*Ol Poto: Embasi bilong Japan*





# TOK PISIN NEWS

from Radio Australia

radioaustralia.net.au

Harim TOK PISIN long  
Radio Australia  
**101.9FM**  
Port Moresby

**Tok Pisin Service**

6am - 7am 6080; 7240(KHZ)

7pm - 9pm 5995; 6020; 9710; 1280(KHZ)

Lida bilong Yunaited Liberesen Muvmen bilong Wes Papua, Benny Wenda i stap long Honiara we MSG miting i wok long go het. I gat hop long Wes Papua i kamap ful memba bilong MSG olsem ol i askim.



Ol PNG meri em oli helpim ol bihain long ol i sutim tok long ol olsem ol sanguma meri long Hailands rijon. Poto: ABC

## Ol MSG Lida i lus tingting long wok bilong ol

WANPELA memba bilong Solomon Ailan Palamen i sutim tok long Melanesian Spiahed Grup (MSG) long i lus tingting long ol as tingting bilong kamapim dispela grup.

ABC Nius i ripot olsem memba bilong Palaman bilong Wes Makira, Derrick Manuari i tok Vanuatu na ol FLNKS bilong Nu Kaledonia tasol i gohet long bihainim as tingting bilong sapatim ol rait na fidom bilong ol Menanesian pipel long sanap fri na independen.

Mista Manuari i tok em i sori long lukim olsem bikpela tingting bilong sampela MSG lida nau i stap tasol long sait bilong mani.

Em i tok em i klia olsem ol lida bilong Papua Niugini, Fiji na Solomon Ailan i sapatim Indonesia long kamap Asosiet Memba na i no Wes Papua.

## Provins i opim polis yunit egensim vailens

OL man bilong Papua Niugini i no ken ting olsem ol meri em ol i samting nating na ol i ken paitim na bagarapim ol olgeta taim.

Henry Hapen, Deputi Provinsal Edministrata Distrik na Lokal Level Gavman long Sauten Hailans provins i mekim dispela toktok wantaim ABC Nius bihain long ol i bin opim wanpela nupela famili na seksual vailens polis yunit long provins asde.

Gavman bilong Australia aninit long PNG-Australia Law and Justice Partnership program i givim samting olsem K500 tausen Kina long helpim dispela program long Sauten Hailans provins.

Dispela mani bai helpim tu wok bilong Famili Sapat Senta long bikpela haus sik long Mendi.

Mista Hapen i tok tu olsem ol lida bilong provins i amamas tru long dispela helpim Australia i givim long wanem vailens em i wanpela bikpela hevi long provins.

## Bogenvil Presiden i toktok long wok bilong gavman

MAN husat i winim gen wok olsem Presiden bilong Bogenvil bihain long ileksen, Dr John Momis i tokaut pinis long planti bikpela wok em gavman bilong em bai mekim long dispela faivpela yia i kam.

ABC Nius ripot i tok Presiden John Momis bai redim ol pipel long holim vot o referendum bilong painim sapos ol pipel i laikim independans o ol i laik bruk lusim Papua Niugini.

Dr Momis i bin tokaut long dispela bihain long nupela gavman bilong em i mekim tok promis bilong ol long Palamen Haus long Buka.

Long dispela toktok bilong en Presiden Momis i bin tokaut long planti ol narapela samting em gavman na ol pipel i mas mekim bilong helpim Bogenvil i go het wantaim ol wok kamap na ol developman wantaim tu dispela wok redi bilong referendum.

Presiden Momis i bin toktok tu long ol bikpela wari em i wok long kamap long Bogenvil, olsem wari bilong lo na oda, na mani i save sot long mekim ol wok long ailan.

Tasol Presiden Momis i tok tu olsem maski ol i gat ol hevi i stap long Bogenvil, em i bilip olsem ol pipel i ken helpim Bogenvil i kamap strong long wanem ol pipel em ol lain bilong wok hat.

Wanpela bikpela wok em inap helpim ol wok mani o ikonomi bilong Bogenvil, em wok maining we ol inap statim gen Panguna Kopa Main. Dispela main tasol na ol bikpela kros long en namel long ol papa graun na gavman bilong PNG i bin statim bikpela pait na trabel we planti tausen pipel i bin dai long en.

Dr Momis i tok em i luk-save long wok maining olsem em inap helpim ikonomi sapos ol i opim gen

Panguna main, tasol ol i bin kamapim wanpela maining ekt i no long taim i go pinis we, ol pipel yet i ken tok orait long go het wantaim wok maining o nogat.

## Vanuatu i op gen long ol turis

VANUATU i open gen long ol turis na tu long wankain taim helpim ol pipel bihain long saiklon Pam i bin hamarim kantri long mun Mas long dispela yia.

ABC Nius i ripot olsem Linda Kalpoi Jeneral Manesa bilong Vanuatu turis opis i bin mekim dispela toktok taim em i bin stap long South Pacific Tourism Exchange so long Melbon, Australia long wik i go pinis.

South Pacific Tourism Organisation i bin wok bung wantaim Tourism Australia long lukautim dispela so em moa long 80 lain bilong turis bisnis long rijon i bin stap long en.

Linda Kalpoi i tok saiklon Pam i bin bagarapim planti wok bisnis na tu sindaun bilong ol pipel.

## Ol MSG memba i mas lukluk gut long membasip bilong ol

OL Melanesian kantri i mas tingting gut na wokbung na wanbel long husat ol i makim long kamap memba bilong Melanesian Spiahed Grup (MSG).

ABC Nius i ripot olsem Foren Minista bilong Solomon Ailan, Milner Tozaka i mekim dispela toktok taim em i opim MSG Foreign Ministers Miting long Honiara dispela wik.

Toktok bilong Mista Tozaka i kamap long taim we planti ol hevi i toklukaut long MSG bai ken brukbruk sapos ol lida i no wokbung long toktok bilong membasip.

Ol MSG Foren Minista bai miting long dispela wik, pastaim long miting bilong ol MSG lida long Trinde na Fonde.

## Pasifik Kalsa i gutpela long ol turis

PASIN tumbuna o kalsa bilong ol pipel bilong Pasifik i wanpela bikpela samting em i save pulim ol turis i kam long Pasifik rijon.

Dispela em toktok bilong ol lida bilong turis bisnis husat i bin stap long South Pacific Tourism Exchange Show long Melbon, Australia las wik. South Pacific Tourism Organisation i bin wok bung wantaim Tourism Australia long lukautim dispela so.

ABC Nius ripot i tok planti long ol dispela lain em i bin kam long tripela rijon bilong Pasifik olsem, Maikronesia, Melanesia na Polynesia i stap long dispela bung. Ol kantri olsem Fiji, Nu Kaledonia, Papua Niugini, Solomon Ailan na Vanuatu i bin makim Melnaesia.

Alice Kuaningi dairekta bilong maketing bilong PNG Tourism Promotion Authority i bin stap wantaim ol narapela long dispela bung, na em i tok wok turis bisnis inap helpim olgeta kain pipel na tu, em bai winim ol kain bisnis olsem maining, oil na gas.

Wako Napasu Manesing Dairekta na papa bilong Country Tours PNG tu i bin stap long dispela so, na em i tok em i amamas tru long stap tu long dispela bikpela turis bung.

## Wes Papua grup i tok ol i laik kamap memba bilong MSG

WANPELA grup ol i kolim Yunaited Liberesen Muvmen fo Wes Papua (ULMWP) i tok bikpela laik bilong ol em bilong kamap ful memba bilong Melanesian Spiahed Grup olsem na ol i bin aplai long joinim MSG.

Lida bilong ol Benny Wenda i toktok wantaim ABC Nius long dispela laik bilong ol.

Fiji, PNG na Solomon Ailan i laik long Indonesia nau i kamap asosiet memba, na Solomon Ailan i tokaut pinis

long givim Wes Papua is tap olsem wanpela obseva tasol.

Gavman bilong Vanuatu bipo i bin strong long sapatim Wes Papua, na tu ol FLNKS bilong Nu Kaledonia.

Lida bilong ULMWP, Benny Wenda husat i stap long Honiara we ol MSG miting i wok long gohet i tok ol i still gat hop long kamap ful memba bilong MSG olsem ol i askim.

Mista Wenda i tok ol ULMWP lida long Honiara i bin go givim tu wanpela petisen we moa long 500 tausen pipel bilong Wes Papua yet i bin sainim long sapatim membasip eplikesen bilong ol.

## PNG Polis i holim tupela man bihain long 5-pela man i dai

OL polis long Enga Provins i holim na kalabusim pinis tupela man bihain long indai bilong long faivpela pipel long wik i go pinis.

Eking polis komanda long Enga, Sif Inspekta Epenes Nili i tokim Radio Australia ol i kisim na kalabusim pinis wanpela viles kaunsila na narapela man, tasol tripela narapela i wok long hait yet long ol bikbus.

Sif Inspekta Nili itok ol pipel i dai, em wanpela sios pasta, wanpela polisman, wanpela tisa, wanpela yangpela meri na wanpela liklik pikinini man em i gat sikispela krismas.

Em i tok tu olsem ol lida bilong Enga, wantaim ol pipel i wari tru olsem dispela kaunsila em i wanpela lida long ples na em i mekim dispela pasin i no stret.

Sif Inspekta Nili i tok tu olsem em i givim pinis oda i go long polisman long givim gan bilong ol long sutim dispela tripela man em ol i wok long ranawe yet.

## Solomon Ailan pipel i sapatim Wes Papua

OL sapota bilong Wes Papua na arapela hevi bilong

human raits i redi nau long wokim bikpela reli o mas long Honiara long mekim ol lida bilong kantri i luksave long hevi bilong ol Wes Papua.

ABC ripot i tok dispela reli long Solomon Ailan i bilong mekim ol MSG lida i luksave long laik bilong ol Wes Papua. Dispela reli bai sapatim laik bilong United Liberation Movement for West Papua long kamap memba bilong Melanesian Spiahed Grup.

Solomon Islands Solidarity for West Papua grup i oge-naisim dispela reli we bai lukim ol i mas long mein strit bilong Honiara.

Tokmeri bilong dispela grup, Grace Hilly i tok reli bai tokaut tu long ol human raits abius na laik bilong ol Wes Papua long kisim independens long Indonesia.

Mis Hilly i tok dispela em i las sans bilong ol long tokaut long ol dispela hevi pastaim long ol MSG lida i bung long wik bihain long Honiara.

## Geoffrey Vaki i no bihainim toktok bilong kot

SUPRIM kot bilong Papua Niugini i bin painim Polis Komisina bipo, Geoffrey Vaki i gilty long kontempt ov kot o em i no bihainim oda bilong kot.

ABC ripot i tok kot i painim Geoffrey Vaki gilty long i no bihainim oda bilong kot long arestim Praim Minista O'Neill klostu wanpela yia i go pinis.

Mista O'Neill i bin makim Mista Vaki long kamap Polis Komisina bihain long anti-korapsen Taskforce Sweep i bin sutim tok long planti milien kina i kam long wanpela lo kampani.

Tupela senia polis opisa nau i bin kisim Mista Vaki i go long kot.

Kot bai tokaut long wanem kain mekim save bilong en long neks wik.

Geoffrey Vaki i bin PNG Polis Komisina inap long mun Me taim gavman i rausim em na makim gen Gary Baki olsem Polis Komisina.



# Pipel mas lainim pasin bilong sevim mani: Maru

**Stanley Nondol i raitim**

**Sevim mani bilong bihain taim i mas kamap pasin bilong wan wan manmeri long Papua Niugini.**

Minista bilong Tred, Komes na Industri, Richard Maru i tok bikpela namba bilong ol pipel bilong Papua Niugini i no save sevim mani bilong bihain taim. Em i tok planti taim ol pipel i save singaut long ol memba na ol arapela lain long helpim ol taim ol i bungim hevi bikos ol i no i gat pasin bilong sevim mani.

Mista Maru i mekim dispela toktok taim em i givim K500,000 i go long Pipels Maikro Benk long helpim ol pipel bilong ilektoret bilong em, Yangoru Saussia, long kisim dinau long benk na statim o groim ol liklik bisnis bilong ol.

Mista Maru i putim K500,000 long givim garenti long benk long ol pipel i mas gat hap mani long kisim dinau.

Husat manmeri i laik kisim dinau i mas gat akaun long Pipels Maikro Benk long Wewak brens, na i gat hap mani long benk akaun. Em i tok, "Yu gat K5000, distrik bai helpim yu long narapela K5000 na benk bai givim yu K10,000."

# Australia givim moa mani long ADB long sapotim PNG

GAVMAN bilong Australia i toko ait long givim \$8 milien o moa long K22 milien i go long Esien Developmen Benk (ADB) long go het long wok bilong em long sapotim praivet sekta developmen long PNG. ADB i tokaut:

Nupela fanding aninit long Pasifik Praivet Sekta Developmen Inisitiv (PSDI) bai helpim PSDI long lukluk long ol samting ol praivet sekta long PNG i sot long en long ol eria olsem helpim faunim sevis, long helpim dainim kost bilong infrastraksa sevis, developim kopetisen network na promotim wok bisnis bilong ol meri.

Rijonal Dairekta bilong ADB Pasifik Liasen na Kodinesen bilong Sydney opis, Australia i tok dispela mani helpim i apim mani na risos bilong ADB long helpim ikonimik developmen long PNG.

Em i makim strongpela komitmen bilong Australia gavman i go long strongim sekyuriti bilong PNG ikonimik i givim moa sapot long PSDI long helpim ikonimik developmen long PNG.

Australia gavman i givim dispela k22 milien las wik bihain long ADB i tok orait long wanpela senis long PSDI we tok klia long wanem ol erai i gat nid long yusim mani.

Mista Maru i tok nau em i no taim bilong givim fri mani long ol pipel. Na em i singaut long ol pipel bilong Yangoru Saussia na Papua Niugini long sevim mani long mekim bisnis na ol arapela wok long bihain taim.

Mista Maru i tok as tingting bilong helpim ol pipel wantaim dispela Dinau Garenti em long kirapim tingting bilong ol pipel long sevim mani pastaim na mekim bisnis, ol i no inap kisim fri mani long gavman.

Em i tok ol pipel bilong Is Sepik i save westim taim na pilai kas na i no gat gutpela kaikai i save kamap. Em i tok gavman i redi long helpim ol pipel tasol ol yet tu i mas hatwok long kisim helpim bilong gavman.

Long wankain taim, Minista i tok Yangoru Saussia bai holim SME de long Julai 3 long Yangoru stesin.

Em i tok long dispela taim distrik bai opim Saussia Distrik Kakao Sidling Program wantaim Distrik Kredit Skim.

Ol pipel bilong 4-pela Lokal Level Gavman bai go bung long dispela taim long selebretim 3-pela bikpela de. Dispela em namba wan SME Anuel de bilong Yangoru Saussia Distrik. Bai dispela so i kamap long olgeta yia.

Total mani sapot Australai gavman i givim long PSDI i sanap long \$32 milien o moa long K100 milien.

Hai Komisina bilong Australia long Papua Niugini, Deborah Stokes i tok praivet sekta grot long developim ikonimik em bikpela lukluk insait long eid polisi bilong Australia gavman. Em i tok wanpela polisi bilong PSDI em long strongim wok bilong ol meri. Na dispela em i namba wan long PNG we em i ken helpim famili na komyuniti.

PSDI i sapotim planti rifom long PNG. Sampela bilong ol eria em Pesonel Propeti Sekyuriti Ekt, Pablik Praivet Patnasip Ekt, komyuniti sevis obligesen polisi senis long IPBC Ekt na introdaksen long mobail benk long namba wan taim long kantri.

Wantaim moa sapot bilong Australia gavman, moa wok bai kamap long helpim ol wok ADB i mekim long PNG long apim rot bilong ikonimik grot na sapotim praivet sekta.

Ol toktok long bikpela level i wok long go het namel long PSDI na PNG gavman long eria bilong trenperensi na wok bilong praivet sekta insait long Stet on Entaprais o bisnis bilong ol pipel na sampela ol arapela eria.

# PNG lukluk long kamapim moa bisnis wantaim Yurop

PAPUA Niugini i lukluk long kamapim moa bisnis wantaim Yurop ol arapela wok insait long kantri. Dispela em bikpela tingting bilong Praim Minista Peter O'Neill bihain long raun bilong em i go long Brussels na Frans long ol wik i go pinis.

Praim Minista O'Neill i bungim planti mausman bilong bisnis haus na tu, em i bungim Presiden bilong Yuropien Kaunsil, H.E Mr Donald Tusk.

Praim Minista O'Neill i tok planti ol bisnis haus long ol siti long Yurop i soim bikpela laik long kam wok bisnis long PNG na yumi i mas mekim kamap dispela laik bilong ol long yumi ken mekim bisnis wantaim ol.

"Yumi i no ken ting olsem Yurop em i stap longwe long yumi. Yurop i gat gutpela

maket long PNG i ken kisim sevis olsem ol bisnis bilong egrikalsa."

"I gat bikpela sas long yumi i ken mekim bisnis long enejni na benking wantaim Yurop."

"Long miting bilong mi wantaim ol senia eksekutiv bilong Total S.A, ol i strongim tok olsem ol bai developim namba tri LNG projek long Papua Niugini.

"Total i kisim ol wokman long PNG na tu long ausait pinis na dispela namba bilong wokman na meri bai go antap long 10,000 o moa taim konstraksen wok i stat.

"PNG i gro hariap long ikonimik long wol na wantaim politikel stabiliti, ol bisnis long ausait i soim bikpela laik long mekim invesmen long kantri."

Mista O'Neill i tok miting

wantaim Presiden T.H Donal Tusk i kamap gut long mekim bisnis long planti eria. Na wanpela long ol em long strongim pis bisnis.

"Mipela i toktok long kamapim ol rot long stopim pasin bilong stilim pis i kamap long kantri.

"Papua Niugini na Yurop

wantaim i gat bikpela wari long pasin bilong stilim pis long solwara na tupela wantaim bai wok bung long pait egensim pasin bilong stilim pis," Mista O'Neill i tok.

**Praim Minista Peter O'Neill wantaim delegesen bilong em long Yurop.**



# Maket dimand na prais bilong kopa bai go antap – OTML

**James G. Kila i raitim**

MAKET dimand o askim bilong kopa metol insait long wol bai go antap na dispela bai lukim prais bilong kopa tu i go antap.

Sampela yia bihain ol nupela kopa developmen nau i kamap long kantri bai laki tru, bikos ol bai kisim gutpela prais na salim kopa i go aut na bringim moa mani i kam insait long ikonimik bilong PNG.

Eksekutiv Menesa Maketing bilong OTML, Garry Martin i tokaut long dispela las wik long media woksop i bin kamap long

Jais Aben Risot long Madang em PNG Semba ov Mains na Petroleum i kamapim las wik.

Mista Martin i tokaut olsem maket dimand o askim bilong kopa long wol i wok long gro namel long 3 na 4 pesen long wan wan yia.

"Industri i lukim olsem prais bilong kopa bai go antap yet," Mista Martin i tok.

Em i tokaut tu olsem dimand o bikpela laik long kopa i antap bikos bihain taim em yia bilong ilektroniks, na planti ol bikpela kampani na kopresen long wol bai nidim stret kopa long wok

bilong ilektroniks long wokim ol kain kain samting long kamapim pawa, mobail fon, telekomunikesen na kompiuta teknoloji.


Em i mekim dispela toktok long glasim bihain taim bilong kopa main na wanem lukluk long sait long prais bilong kopa insait long wol metal prais.

Mista Martin i tok PNG bai laki tru long bihain taim ol bikpela kopa main projek i kamap bikos prais bilong kopa bai i go antap long dispela ol taim.

"Mipela long PNG i stap

long sampela bilong ol eria we kopa i stap tasol developmen i no kamap yet long dispela risos. Taim ol dispela developmen i kamap, ol bai kamap long gutpela taim stret taim prais bilong kopa bai i antap na dispela gutpela tru long helpim ikonimik bilong kantri," Mista Martin i tok.

Mista Martin i tok olsem 90 pesen bilong prais bilong kopa i stap pastaim long kopa i to long smelta long kukim. Olsem na em prais bilong kopa i save stap antap long main eria yet.



Eksekutiv Menesa Maketing bilong OTML, Garry Martin i givim toktok long media woksop las wik long Jais Aben Risot long Madang.

# Oposisen i askim long apointing atoriti bilong Kumul bisnis

**Stanley Nondol i raitim**

OPOSISEN i tok em i no stret long Praim Minista i kamap apointing atoriti bilong ol Bot ov Dairekta bilong Kumul Petroleum Holdings na Kumul Minerels Holdings Limited aninit long Kumul lejislesen em palamen i oraitim long Jun 2015.

Oposisen lida Don Polye i tok em i orait long Nesanel Eksekutiv Kaunsil i kamap apointing atoriti bilong ol Bot ov Dairekta na CEO bilong Kumul Konsolidated Holdings.

Mista Polye i tok wanpela politisen i no ken kamap apointing atoriti long bisnis bilong ol pipel bikos ol politisen i ken bagarapim bisnis ol bai no inap menesim gut na planti paul pasin i ken kamap taim ol i makim CEO

na Bot ov Dairekta.

Palamen i bin oraitim tripela bil long senisim konstitusen na ogenik lo long putim Kumul konsolidated straksa.

Ol tripela bil em; Kumul Petroleum Holdings Atoraisesen Ekt (Kumul Petroleum Ekt), Kumul Minerel Atoraisesen Ekt 2015 (Kumul Minerels Ekt), na Pablik Bisnis Kopresen bilong PNG (Kumul Konsolidated Holdings) Amenmen Ekt 2015 (Kumul Petroleum Ekt)

Minista bilong Pablik Entaprais Ben Maicah i bin putim long palamen long senisim ol arapela ekt long mekim ol ekt antap long wok. Ol dispela ekt em Oil na Ges Bil 2015, Reguleteri Stetuari Aroriti - apoinmen bilong ol opisa na bil bilong Pablik Sevis (Amenmen bil 2015) na

Odit (Amenmen bil) bil 2015.

Mista Micah i tok ol tripela Kumul bil we palamen i kamapim lo em long stretim frem wok bilong bungim

- Olgeta intres bilong stet long Oil na Ges go insait long Kumul Petroleum Holdings Limited;
- Olgeta intres bilong stet long minerels aset go insait long Kumul Minerels Holdings Limited;
- Olgeta bisnis bilong pipel o stet on entaprais nau stap aninit long IPBC go insait long Kumul Konsolidated Holdings.

Nesanel Petroleum Kampani PNG Limited o NPCP NEM i senis go long Kumul Petroleum Holdings Limited. Minista Micah i tok NPCP emi bisnis han bilong IPBC na i

holim planti aset bilong stet long Oil na Ges na holim 16.57 sea bilong Koroton Ltd intres bilong PNG LNG projek.

Nem bilong Petromin PNG Holdings i senis i go Kumul Minerels Holdings Limited. Na bai lukautim oil na ges intres bilong stet i kam long Kumul Petroleum Holdings Limited na ol sea bilong Ok Tedi Maining Limited.

Nem bilong IPBC i senis go Kumul Konsolidated Holdings Limited na ol sea em i gat long NPCP Holdings bai em i salim i go long Kumul Trasti long kamapim Kumul Petroleum Holdings Grup.

Minista Micah i tok gavman i kisim planti toktok i no gutpela long planti lain husat i egensim ol dispela senis.



# Ol Pasifik turis indastri lida i bung long Melbon

**PASIFIK rijon i pulap long planti gutpela samting long soim wol.**

Ol pipel bilong Pasifik husat i stap long dispela Saut Pasifik Eksens bung i tok ol kantri bilong ol i pulap long ol kain kain samting i no stap long ol narapela kantri long wol, Linda Kalpoi Jenerel Menesa

bilong Vanuatu turisim opis na Alice Kuaningi, Dairekta bilong maketing wantem PNG Tusim Promosen Atoriti i tok.

Plantu memba kantri bilong Saut Pasifik Turisim Ogenaisesen husat i kam long tripela rijon bilong Pasifik olsem Mikronesia, Melanesia na Polinesia i stap long dispela bung

long Melbon, Australia em bai pinis tumora.

Saut Pasifik Turisim Ogenaisesen i wok bung wantaim Tourism Australia long ranim dispela so.

Vanuatu i stap namel long ol Melaneisan kantri i stap long dispela bung.

Linda Kalpoi Jenerel Menesa bilong Vanuatu

turisim opis i tok olsem em i bikpla samting tru ol i stap long dispela bung.

Alice Kuaningi, Dairekta bilong maketing wantaim PNG Turisim Promosen Atoriti i tok Papua New Guinea i gat ol kain kain samting em ol i laikim ol turis long lukim.



Wanpela tisa na ol sumatin long wanpela skul long PNG. Foto: ABC

## PNG i mas kirapim enkwairi long K50 milien kina i lus

PRAIM Minista Peter O'Neill i mas statim wanpela komisin ov enkwaiti long painim husat tru i bin paulim samting olsem K50 milien tusen fri edukesen fi.

Jeneral Seketeri bilong Papua Niugini Tisa Asosiesen, Ugwalubu Mowana i mekim dispela toktok bihainim ol ripot

olsem Minista bilong Edukesen, Nick Kuman, i bin tokaut olsem dispela kain mani i bin lus nating. PNG i gat fri edukesen em aninit long en ol papamama i no save baim skul fi bilong ol pikinini bilong ol o gavman yet i baim skul bilong ol pikinini.

Minista Kuman i bin tok olsem

em i ting sampela long dispela mani i bin go long ol giaman skul na nem bilong ol giaman sumatin, tasol Mista Mowana i tok em i no wanbel wantaim dispela toktok bilong minista long wanem, olgeta skul i stap long rejista bilong Edukesen Dipatmen.

# BOGENVIL Presiden bai bungim ol wokman

ABG Presiden, Dokta John Momis bai holim miting wantaim ol gavman wok manmeri bilong en long Buka, Aloysius Laukai bosman bilong New Dawn FM Redio stesen long Bogenvill i tok.

Presiden i singautim olgeta nupela memba bilong Palamen, ol nupela Eksekutiv Kaunsel memba, na ol pablik sevan long Buka long bungim em long Hutjena Sekonderi skul long 10 klok long moning.

Dokta Momis i bin tokaut pinis taim em i makim sampela memba bilong nupela



ABG Presiden, Dokta John Momis.

eksekutiv Kaunsel bilong en long wik i go pinis olsem em i laik

lukim gavman we i wok long sevim tru ol pipel bilong Bogenvil.

- Ol stori i kam long ABC

### INVESTMENT TOKTOK

wantaim DR. STEPHEN NASH

#### Wanem samting i save kamapim senis long Wok bilong Nambawan Super?

- Namba wan hap: Ol ikwiti  
Sapos yu gat sampela askim, plis salim ikam long mipela long [toktoksuper@nambawansuper.com.pg](mailto:toktoksuper@nambawansuper.com.pg) na mipela bai bekim.

Invesmen Potfolio bilong Nambawan Super em i sanap samting olsem K4.7 bilien. Bikpela samting em potfolio i gat ol invesmen i kam long 4-pela kain aset, kes mani, fiks intres, ol ikwiti na ol haus, na long 31 Desemberba 2014 dispela mak bilong hapim ol invesmen em yu ken lukim long piksa daunbilo.

Asset Class	Percentage
Equities	47%
Fixed	33%
Properties	18%
Cash	6%

Prais bilong invesmen olsem ol sea i ken go antap na i kam daun, olsem em i no sindaun strong long wanpela we tasol. Dispela we bilong sea igo antap na i kam daun i soim olsem ol mani kamap long invesmen potfolio i no save stap wankain tasol.

Long NSL dispela pasin bilong ol investment sea i go antap na i kam daun i save ron long menesmen bilong wanpela strateji or bris bilong kain kain invesmen, olsem long piksa antap i soim. As bilong dispela em long savim mani long planti kain invesmen, olsem bai NSL i ken kisim win mani lo we lo putim olgeta tingting o mani long kain kain invesmen; olsem ol i save tok, "No ken putim olgeta kiau bilong yu long wanpela basket tasol".

Taim i no gat dispela kain we bilong putim invesmen long planti kain hap, wok kamap bilong NSL insait long 10-pela yia bai lukluk samting olsem dispela piksa aninit,

Lukim ol bikpela sap mak long ol mani kam bek, maski mipela i no putim wanpela skel wantaim ol namba long aksis i go antap. Long skelim mipela i lukim las 10-pela yia i bin gutpela tumas, bikos long ol kain kain potfolio bilong NSL. Olsem na, wanpela piksa bilong wok kamap bilong NSL, sapos skel bilong ol mani kam bek i wankain olsem bilong pastaim piksa antap, insait long las 10-pela yia, na em i luk olsem dispela piksa graf.

Dispela isi we bilong kisim mani kam bek em i kamap long pasin bilong putim kain kain invesmen long planti hap. Dispela pasin i halivim tru ol investmen na olgeta i wok long we bilong ol yet, na i no long kain kain taim bilong ol yet. Long NSL, mipela i laikim dispela kain isi we bilong kisim bek mani, olsem bai mipela i ken mekim ol memba i pilim orait long ol invesmen strateji bilong ol i stap gutactually looks something like the following graph.

Long kamap Nambawan pren bilong yu na famili; halivim, strongim na lukautim moni gaden bilong yu nau na bihain.

### BIGGER, BETTER, SAFER, STRONGER AND STILL NUMBER 1





# Ramu NiCo VP Charles Givim Toktok long Midia Woksop



VP Charles givim toktok long ol bikman bilong MRA.

**VAIS Presiden bilong Ramu NiCo Menesmen (MCC) Limited, Charles Zha i wokim gutpela toktok long PNG Semba ov Mains na Petroleum midia woksop we i bin kamap las wik Fonde na Fraide long Jais Aben Risot long Madang.**

VP Charles i wokim naispela presentesen bilong em we em i toktok long nikel maket long wok na wanem samting i wokim prais bilong nikel i go antap na kamdaun, na olsem wanem dispela i wokim long prais bilong Ramu NiCo long PNG.

Eksekutiv Dairekta bilong PNG Semba ov Mains na Petrolim, Greg Anderson na tu ol arapela lain i stap long dispela miting i amamas long toktok we VP Charles i wokim bikos em i tokaut stret long hevi we i stap nau long wol prais bilong metal prais we i givim wankain hevi tu long prais bilong nikel.

Planti lain i amamas long kain presentesen bilong VP Charles we em i yusim planti grap na ol piksa we i soim stret ol yia na rot bilong prais bilong nikel i go antap na go daun.

Nikel na kobalt em nupela mineral insait long PNG, we planti lain i no kliatumas long maket bilong en long wok, na tu husat lain i save baim nikel bilong PNG. Olsem na toktok we VP Charles i givim long dispela woksop i givim kliatumas long ol lain

long wol nikel tred na maket bilong en.

VP Charles i tokaut long ol lain i sumatin i kam long Yunivesiti ov PNG (UPNG) Divain Wod Yunivesiti (DWU) na ol lain long midia industri husat i bin salim ol wok lain bilong ol long stap insait long dispela midia woksop we PNGCMP i ogenaism.

VP Charles i tokaut long ol lain long woksop olsem prais bilong nikel i save go antap kamdaun na long nau yet rekot i soim olsem em i wok long ron long namel mak tasol na i no go antap tumas o go daun tru.

Ramu NiCo (MCC) i bin statim prodaksen bilong en long Disemba 2012, tasol em i no go long mak bilong 100 pesen long prodaksen yet.

VP Charles i tok olsem long nau yet bikpela maket bilong nikel na kobalt em long China na tu long America na Canada na Yurop.

Em i tokaut tu long dispel miting husat ol kantri long wok i go pas long produsim o kamapim nikel. Em i tokaut olsem kantri nau i go pas em Chile long Latin Amerika.

Sampela lain bilong ol gavman bodi olsem Mineral Risoses Atoriti (MRA) na ol saveman bilong takis long PNG olsem Deloitte Touche Tomatshu i bin stap long dispel woksop tu na i amamas long ol toktok ZP Charles bilong Ramu NiCo i givim.



Vais Presiden bilong Ramu NiCo (MCC) Charles Zha i tokaut stret long ol UPNG sumatin.



Wanpela mausman bilong LNG lenona kampani givim toktok.



**Ramu NiCo Management (MCC) Ltd,**  
 the manager of Ramu NiCo Project is proud to host the 5th  
**NATIONAL MINING EMERGENCY RESPONSE CHALLENGE**  
 in Madang

Date: August 22-25, 2015  
 Venue: DWU & PNG Maritime College



An initiative of:  
 National Apex Mining Safety Council



Under the auspices of:  
 Mineral Resources Authority



# Nesa Pak statim program bilong lukautim ol trausel

Stori na poto i kam long **Pot Mosbi Nesa Pak**

I GAT 47 ol bebi trausel i gat nus olsem bilong pik nau i stap long Pot Mosbi Nesa Pak aninit long konsevesen projek bilong Pak long sevim dispela kaun trausel.

Wok bung namel long Yunivesiti bilong Canberra, Pot Mosbi Nesa Pak na ol papa graun bilong the Kikori Daun ples na sponsa ExxonMobil bai kamapim ol gutpela samting bilong konsevesen olsem laip bilong 47 trausel, saientifik stadi bilong menesmen bilong ol nus-pik trausel na tu long kamapim luksave na edukesen long hevi bilong ol dispela kain trausel we i wok long pinis nau long olgeta hap.

Profesa Arthur Georges bilong Institiut bilong Applied Ecology, long Yunivesit bilong Canberra i tok long dispela projek olsem, "Ol i tingting olsem i namba bilong ol pik-nus trausel i stap aninit long 1 pesen tasol ol liklik trausel i wok long kamaut long kiau long ol daun ples bilong Kikori we bai stap inap ol i kamap bikpela."

"Dispela Het-stat program bai lukim 47 embeseda trausel i kam stap long Nesa Pak we



Dispela pik-nus trausel i gat gutpela laip long bihain nau long Nesa Pak olsem wanpela embeseda bilong ol wantok long em i stap yet long bus.

bai ol i kamap bikpela, na stap fri long ol man i no ken painim ol na kaikai na bihain long wanpela yia na hap bai ol i kisim ol i go bek long wara na bus, nau em bai ol i gat 30 pesen moa sans long stap laip i go inap ol i kamap bikpela," Profesa Georges i tok.

Insait long las 30 yia ol lain bilong wokim risets i gat rekot bilong 57.3 pesen namba bilong pik-nus trausel i go

daun long Kikori ketsmen eria bikos ol man i painim na kilim planti bilong ol na tu ol i wok long kisim na kaikai ol kiau bilong trausel.

Nau yet em ol dispela pik-nus trausel i stap hait long Nesa Pak na ol lain i go bai i no inap long lukim. Tasol w antaim helpim bilong Exxon-Mobil, Nesa Pak bai wokim wanpela open ples bilong putim ol trausel we ol visita i ken go na lukim klostu tasol.



Pot Mosbi Nesa Pak na Yunivesiti bilong Canberra staff woklain i putim ol pik-nus trausel long nupela ples bilong ol.

Brett Smith, Kureta long Pot Mosbi Nesa Pak i tok olsem, "Ol het-sta program i gutpela konsevesen tul bilong ol kain laip bilong enimal. Mipela bai wokim laip stadi bilong ol dispela trausel long taim ol i stap insait long nesa pak long save long gro bilong ol, sais na hevi bilong ol. Mipela bai painim ol strongpela menesmen strateji we bihain bai mipela i lainim ol lokol konsevesnis na

ol pipel bilong Kikori daun ples bilong ol i ken larim namba bilong ol dispela trausel i go bikpela."

Ol pipel bilong Wes Papua i wok long rausim samting olsem milien pik-nus trausel na ol kiau bilong ol long ples bus na ol i wok long salim long blek maket na sapatim ol bus mit treid na ol treid we i save hait long lo na mekim. Planti bilong ol dispela lain

em ol lain i save wokim ol bus marasin bilong Saina, tasol ol saiens i soim olsem i no gat gutpela marasin i stap long ol dispela trausel.

"Pik-nus trausel i stap tasol long ailan bilong Niugini na Noten Australia oslem na sapos yumi laikim long dispela kaun trausel i stap yet, PNG i mas go pas long lukautim ol dispela kain enimal," Mista Smith i tok.

# Ol NFA opisa pinisim MCS kos long Pot Mosbi

Frieda Sila Kana i raitim

NESANEL Piseris Atoriti (NFA) nau i gat 22 moa opisa husat i kisim save long we bilong komyunikesen na menesmen bilong mekim ol pisaman i bihainim ol lo na tambu i stap insait long Nesanel Fiseris Ekt na Regulesen.

Ol dispela opisa husat i kam long Pot Mosbi, Madang, Lae, Wewak, Rabaul na Kaviengi i bin kisim skul inap long tupela wik long Woks Trening Senta long Pot Mosbi, wantaim wanpela trening konsalten husat i bin kam long Brisbane, Australia.

Ian Alexander, Menesing Dairekta bilong Edukesen Konsaltensi Kampani long Brisban, Australia i gat save long Piseris Menesmen na Marin Edukesen. Em i bin

kisim trening long ol opisa i mas kisim gutpela save long kamapim gutpela we bilong komyunikesen, na long monitoring o sekim na strongim ol lo bilong lukautim ol tuna na ol narapela pis risos long solwara bilong ol pipel bilong PNG.

O dispela opisa i kam aninit long divisen bilong Monitoring, Kontrol na Seveilens Yuniti (MCSU) bilong NFA, tasol ol i stap long ol wan wan provins long kantri. Namel long ol dispela lain i bin gat tripela meri, wanpela bilong ol em i nupela Komplaiens Menesa, Martina Ragagalo.

Insait long trening ol i bin lainim long we bilong luksave long taim toksave bilong ol lain i abrusim mak bilong kisim pis, long setelah mak antap long mep na moa.

Ludwig Kumoru, Deputi

Dairekta i bin makim Menesing Dairekta, John Kasu long givim ol setifiket long ol opisa husat i pinisim trening bilong ol long las wik Fraide.

Mista Kumoru i tok nau ol dispela opisa i save long wok wantaim ol komputa na i no long pepa tasol olsem pastaim. Ol i kisim save long bihainim we bilong strongim ol lo bilong lukautim pis na ol lokal pisaman na ol ovasis pis kampani husat i save kam insait long solwara bilong PNG na hukim pis nating na bagarapim ol risos.

"Wantaim dispela trening, mi tingting olsem yupela bai inap long strongim ol lo bilong piseri na lukautim ol pis bilong yumi long lukautim yumi long bihain taim. Wanem we bai yupela i mekim wok long fil? Yupela i mas kamapim

gutpela pasin na we bilong wok," Mista Kumoru i tok.

Em i namba wan taim long NFA i holim dispela kain trening. Na ol bikman bilong NFA i ting olsem nau bai wok bilong bihainim na sekim ol lain i save brukim lo bilong pis bai isi, na ino olsem bipo.

Trena, Ian Alexander i tok amamas long ol sumatin bilong olsem, "Mi amamas long stap wantaim yupela long las 2-pela wik. Yupela i soim gutpela we bilong wok. Wantaim gutpela menesmen bilong taim na profesenal we bilong wok," Mista Alexander i tok.

"Mi ting olsem ol foren pising kampani bai save na mekim gutpela pasin bilong bihainim lo bilong kisim pis tuna na narapela ol samting bilong solwara," em i tok.



(L-R) Ian Alexander – trena, Martina Ragagalo, Komplaiens Menesa na Gisa Komangin, Eksekutiv Menesa bilong MCS sanap bihain long Woks Trening Senta. Poto: Frieda Sila Kana

# Liklik Songa Opim Mipikinini Sevings Akaun Long Ples Stret



Liklik Pikinini Songa Akum i opim akaun long rurel I guruwe viles long Usino LLG. Ol Poto: James G. Kila

James G. Kila i raitim

SKULIM ol pikinini na givim ol edvais long sevim mani taim ol liklik yet em gutpela rot tru long redim ol long lukautim ol yet gut long bihain taim.

Dispela em wanpela strongpela toksave wanpela benk opisa bilong Nationwide Microbank, Georgina Niangu i mekim long las wik taim em i bungim ol mama long ples I guruwe long Wod 17 bilong

Usino lokel level gavman (LLG) long Usino-Bundi distrik, Madang provins.

Georgina wantaim ol arapela wanwok benk opisa, Jeremiah Ruado i bin go long wokim awenes na tu helpim ol rurel mama I guruwe long opim nupela benk akaun bilong ol.

Ol i bin go bihainim invite-seno askim bilong tupela trena bilong Ramu NiCo Komyuniti Afes (CA) dipatmen, Samuel Masawa na Seth Win.

Bihain long awenes ol mama na tu ol man husat i sapatim wok bilong mama i amamas long opim nupela akaun bilong ol na ol i pu-

lumapim ol pepa long redim ol yet long kisim ol akaun.

Namel long ol lain i go redim ol pepa wok long kisim nupela benk akaun em wanpela liklik boi nem bilong em Songa Akum, husat i gat 6-pela krismas.

Papa bilong em Akum i harim ol gutpela toktok ol lain opisa bilong benk i wokim na dispela i kirapim bel bilong en long go opim wanpela nupela akaun bilong pikinini bilong em long K2.

Narapela samting tu em planti manmeri i amamas olsem ol lain opisa bilong Nationwide Microbenk i go stret long rurel ples long haus

dua stret na givim toktok na dispela i kirapim bel bilong ol long opim nupela akaun.

Georgina i givim naispela salens tu i go long ol papamama olsem ol i mas skulim ol pikinini bilong ol taim ol liklik yet long pasin bilong sevim mani.

Em i tokaut olsem dispela nupela sevis ol i givim em Mi Pikinini Savings akaun i go pinis long Madang, na namba wan praimer skul we i lukim ol pikinini i amamas long opim akaun em Holi Spirit praimer skul.

Dispela nupela prodak bilong Nationwide Microbenk ol i kolim MiPikinini Sevings

Akaun em nupela na ol i taim long ol brens bilong ol insait long kantri we i lukluk moa long helpim ol pikinini.

Tupela opisa bilong Nationwide Microbenk i givim planti gutpela toktok na tu tokaut kliia long kampani ol i wok long en long ol pipel i ken save.

Tupela opisa i tokaut tu long ol sevises Nationwide Microbank i save givim long planti helpim ol liklik manmeri long PNG. Ol prodak bilong ol i no wankain tumas olsem ol komesel benk bikos ol i operet olsem maikro kredit fasiliti long helpim ol liklik manmeri long ples na taun long PNG.



# Spots Minista i amamas

**Philemon Tame i raitim**

MINISTA bilong Spots, Justin Tkatchenko, i amamas long olgeta hap bilong pilai 2015 Pasifik Gem i pinis.

Minista i tokaut olsem, olgeta pipel husat i gat sampela tingting olsem, Gems Ogenaising Komiti (GOC) i no pinisim ol hap bilong pilai kwiktim, mas no ken i gat dispela kain tingting moa.

“Ol kontrekta husat i wokim ol dispela pilai graun i pinisim olgeta hap na i gat 5-pela pesent tasol i stap yet long ol bai pinisim pastaim long gem bai stat. Em bai no inap kisim planti taim,” Tkatchenko i tok.

Tupela bikpela pilai graun em Sir John Guise Stadium na Taurama Akwatik Senta, i soim olsem Pasifik Gem i redi long stat long tupela wik bai kam, we GOC i mekim namba wan traime long Sir John Guise Stadium pinis wantaim Hunters na Seagulls i pilai long tupela wik i go pinis.

Oi i traime Taurama Akwatik Senta long las wik Sande na 5-pela gem bai kamap long wanpela hap olsem basket, volibol, taekwondo, karate na swimming.

Oi i kamapim planti tim na ol i bin pilai long taim bilong traime.



**Oi manmeri i pulap long traime pilai long las wik Sande na ol i lukim tupela meri tim, PNG GOLD na PNG Black, i pilai, we PNG Gold i win.**

Swimming Pul em i wol klas, na ol i mekim 4-pela raun traime resis long 50 mita pul, na em i bungim i go antap long 800 mita olgeta.

Planti manmeri i go long lukim dispela traime pilai i amamas long dispela wol klas gem fesiliti we mipela i

no gat pastaim.

Minista Tkatchenko i tok tenkyu long ol man i go pas long GOC na wokim wok hariap long bungim de bilong Pasifik Gem.

Oi narapela pilai graun em ol bai traime tu insait long dispela tupela wik i stap yet.

# Tas Tim i kisim strong long Wol Kap pefomens

**PAPUA Niugini tim bilong man na miiks ragbi tas tim i kisim strong long ol i bin pilai gut long Wol Kap, na em i mekim ol i amamas long winim gol medol long dispela Pasifik Gem.**

Dispela tupela tim i kamap namba tri ples na i winim brons, we Australia na Nu Silan i kamap namba wan na tu insait long 52 kantri ol i pilai long mun Mas long dispela yia.

Wantaim dispela risal, ol i makim namba tri long tupela tim wantaim long wol, na tim bilong ol meri i pinisim namba 7 long dispela tonamen.

Oi i bung wantaim na makim pinis 14 man na 14 meri long tas tim bilong Tim PNG long ol bai pilai long

Pasifik Gems.

Namba wan taim PNG i go insait long tas futbol em long yia 2003 na i winim silva long Fiji, taim ol i go long fainel, na dispela em i bikpela mak we PNG i pinisim i kam i nap nau.

Long olgeta gem ol i pilai long klostu taim, ol dispela tripela tim i winim brons tasol na kam daun, tasol nau ol i kisim moa strong long kisim gol long olgeta tripela divisen.

Tim menesa, Ian Yaro, i tok, “mipela bai yusim olgeta strong long winim tripela divisen olgeta, long wanem, tim i mekim gut trening long givim salens long ol narapela tim.”

“Mipela i lukluk long ol

wanem eria mipela i bin feil liklik long wol kap na nau mipela i pulumapim ol dispela gep long soim gutpela kala bilong yumi long Julai,” Yaro i tok.

Yaro i tok tenkyu long PNG Olimpik Komiti long redim ol wol klas trening ikwipmen, na kisim ol trene insait long Hai Pefomens Trening Senta long ol tim i ken tren gut.

“Long wanem, bipo mipela i no gat dispela kain gutpela trening na no gat gutpela ikwipmen long olgeta eria bilong trening olsem muvmen, strong na long skills, tasol nau wantaim ol dispela nupela fesiliti na trening ikwipmen bai oraitim PNG long winim olgeta gem,” Yaro i tok.

# Program bilong Tim PNG pilai taim i redi pinis

GEMS Ogenaising Komiti i amamas long tokaut tim spot pilai kompetisen program bilong Tim PNG bilong pilai long namba 15 Pasifik Gems long Julai 4, wanpela wik tasol i kam.

Dispela em i fainel lista dro we olgeta tim bai resis i kisim.

PNG bai resis long 11-pela tim spot bilong ol man na meri wantaim

Program i stap long intanet websait we pablik i ken lukim.

PNG bai resis long 11-pela

tim spot pilai bilong ol man na meri wantaim long basketbal, kriket, hoki, loun bal, ragbi7's, soka, tas futbol na volibol.

Tim bilong ol man tasol bai pilai long ragbi 9's taim ol tim bilong ol meri tasol i pilai resis long netball na sofbal.

Ong sofbal, PNG tim bai pilai egensim tim bilong Ameriken Samoa long 'best of three' raun long Bisini Spots Grauns, stat long Julai 16-16 long gol medol pilai.

Oi wan wan spot we ol

PNG Etlit bai stap insait long ol bai kamap long olgeta de bilong Gems.

Planti tiket em ol i salim long K10 tasol na askim i go long pablik long baim ol tiket na go sapotim Tim PNG husat bai pilai long olgeta 28 spot.

Olgeta tiket em bilong lukim ol pilai long san na pablik i ken lukim ol fevered pilai long olgeta de.

Sapos yu laikim moa infomesen long ol tiket, ringim dispela namba, 180 2015.

# Medol wina long yia 1969 na 1991 PG

**Philemon Tame i raitim**

TAIME Pasifik Gem (PG) i bin kamap long yia 1969 na 1991, i gat 61 manmeri bilong PNG i winim medal long etletik, basketbal, boksen, kriket, golp, sofbal, weit lifing, swimming na planti moa gem.

Long ol dispela 61 medal wina, 6-pela i kisim long 1969. Moses Purpur i kisim medal long etletik, Amelia Homba i kisim medal long basketbal, Raki Leka i kisim medal long dekatlon, Geua Tau i kisim medal long lon boul, Kito Kaida i kisim medal long 400 mita resis bilong ol meri na Salitia Pipit i kisim medal long 800 mita riley resis bilong ol meri.

Hilda Roy em i wanpela pilaia bilong basketbal insait long 12-pela pilaia husta i makim PNG long 1991 Pasifik Gems.

Roy i tok olsem, em i kisim wanpela gold medal long dispela taim em i bin pilai, bikos, stail bilong pilai bilong em i smat tumas na ol i putim planti sko, we no gat wanpela tim i kam klostu long ol na ol i setim rekot long PNG.

William Maha em i wanpela kriket pilaia, na tim bilong em i win long 1991 PG na em i bin kisim wanpela gol medal.

Mista Maha i strongim ol pilaia husat i redi pinis long

pilai long 2015 PG na i tok olsem, “Yupela i mas lukautim kriket rekot we mi bin putim long 1991 PG.”

“PNG i kamapim namba wan kriket pilaia na mi lukluk long ol bai givim gut salens long ol narapela kantri long apim nem bilong PNG moa,” Mista Maha i tok.

Mary Undio em i kamap namba wan long 4x400 mita riley resis bilong ol meri, na Lilly Tua i kamap namba tu. Tupela i putim bikpela rekot long PNG bikos, tupela i daunim ol narapela Pasifik Ailan kantri na kisim tupela medal.

Misis Undio i tok, “mi bin ran tupela mita pas long ol

narapela rana, na nau mi laikim ol husat i redi long ran long 2015 PG i mas ran strong na winim mak we mi putim.”

Long lait weit boksen, Washington Banian i gat 48 kilogram, i winim namba wan gol medal long yia 1991 PG.

Paul Enuke i apim 300 kilogram long weit lifing long taim bilong em na i winim medal long 1991 PG, tasol nau Steven Kari i hapim 340 kg na i daunim Enuke wantaim 40 kilogram.

Mista Enuke i tok tenkyu long Gems Ogenaising Komiti (GOC) long luksave long ol bipo pilaia husat i winim medal na setim rekot long PNG.



**Merry Undio i sanap long han kais i kam namba wan long 4x400 mita riley resis, na Lilly Tua i sanap long han sut i kamap namba tu long 1991 PG.**

# Gutpela raun bilong ol Search Baton long ARoB



**LONG KANU:** Singing grup i kisim baton i go long kanu long Buka Pasis. *Poto: MadNESS Photography*

OIL Search Pasifik Gems Rilei Baton long raun bilong em long Atonomas Rijon bilong Bogenvil long las wiken inap long stat bilong dispela wik i bin gat gutpela taim long raunim olgeta hap bilong rijon.

Taim em i kamap long Buka ples balus long las Fraide, i bin gat bikpela welkam we mambu ben i bin pairapim naispela musik na danis.

Oi meri i bin wokim kastom welkam we ol i bin wasim lek bilong ol riley tim memba.

Oil Search Embaseda,

Francis Kabano i bin prisenim baton i go long Bogenvil Haus Palamen na long ol nupela memba we ol i winim ileksen na sia long ABG.

Bihain long dispela, baton riley tim i bin ran raunim Buka Ailan bihainim nupela rot ol i wok log en, ol kokonas na kakau plentesen i go long ol skul we ol sumatin, ol tisa na komyuniti i bin givim ol naispela welkam stret.

Baton i bin go bek long Buka taun na raunim dispela liklik taun we ol komyuniti i bin bihainim tu na ran namel

long ol bisnis haus, kokonas wel mil, maket na bris we planti ol banana bot i ran long en.

Long pinisim de long Buka, baton i bin kalap long bot na go long naispela Sohano Ailan, em bipo hetkwata bilong Bogenvil.

Bihain long dispela, baton riley tim i bin bihainim longpela rot long haiwe na go long bikples Bogenvil i go olgeta long Buin long pinis bilong ailan.

Tim i bin raun long Kangu Bis, ples we long Bogenvil pait, ol i bin kilim sampela soldia long 1996. Nau Bis ya i stap gut na olgeta wiken, bikpela maket i save kamap we ol lain bilong Sotlen long Solomon Ailanna ol pipel long Buin na Siwai i save kam wokim maket, bungim ol wan pisin na strongim a pren pasin namel long ol.

Pinis long hap, tim i bin bihainim haiwe gen i go bek long Arawa, raunim taun, go long Panguna na Kieta we i bin gat sans long lukim ples i wok long kirap bek bihain long ol hevi bilong 10-pela yia pait.

Oi skul na komyuniti i bin givim gutpela welkam tru long baton na riley tim long raun bilong em long Bogenvil.



# Rosters i baim Jennings aut long sel

**SYDNEY Roosters i baim sel long Michael Jennings long \$20, 000 na em bai pilai long Gem 3 bilong State of Origin.**

Kosa bilong Nu Saut Wel (NSW), Laure Daley, i pilim nogut taim namba wan pilaia bilong em, Michael, i no stap na ol narapela pilaia i bin pilai gut.

“NSW Ragbi Lig i amamas na sapot long bikpela samting we Roosters i bin mekim,” Daley i tok.

Daley i tok, “Michael bai

no inap long pilai long gem 3, sapos kot i holim Michael long ol sas ol i bin givim long em.”

Em i tok moa olsem Michael bai go insait long seleksen bilong Blues, sapos em i no kisim sampela bagarap.

“Jennings i no bin mekim wanpela asua na ol i kalabusim em na nau mipela bai isi long save olsem em bai winim kot,” Daley i tok.

Kosa bilong Roosters, Trent Robinson, i lusim Jen-

nings long Mande nait, taim ol i pilai wantaim Dragons, bikos ol i arestim em long Sydney long Sarere moning.

Polis i tok, “long Sarere apinun, Jennings i toktok strong wantaim mipela taim mipela i toktok wantaim narapela man, husat i kikim get bilong ples bilong putim kar.”

Ol polis i bin sasim Jennings long Parramatta polis stesin long em i bin toktok strong na soim kros pasin wantaim ol polis.



## Roosters i go insait long top 4

SYDNEY Roosters i go insait long top 4 tim taim ol i daunim St George Illawarra wantaim 19-14, long Sidni Futbol Stedium.

Shaun Kenny-Dowall i pilai strong na brukim difens bilong ol Dragons we em i bin putim tupela trai long Mande nait.

Dispela tupela trai i skruim trai bilong Kenny-Dowall i go antap long 105, na i kisim namba wan ples bilong ol trai skoa bilong ol Roosters.

Dowall i daunim olpela trai skoa, Anthony Minichiello husat i putim 139 trai.

Long namba wan hap bilong pilai, Roosters i bin go pas wantaim 14 poin na Dragons i bin gat 8 poin.

Wantaim dispela poin, ol Roosters i bin pilai strong long namba tu hap na i skruim poin i go antap long 19 na i go pas long Melbourne, we pastaim ol i bin stap bihain long Brisbane Broncos, North Queensland na Dragons.

## Segeyaro bai no inap pilai

HUKA bilong Penrith Panthers, James Segeyaro, bai no inap long pilai insait long 6-pela wik, bikos em i bin kisim bagarap long skru bilong lek bilong em.

Em i bin kisim dispela bagarap long namba tu hap bilong pilai long Sarere 24-12, we Canterbury i lus.

Em i joinim ful bek, Matt Moylan, husat i kisim bagarap long skru bilong lek bilong em na bai stap tupela mun.

Jamal Idris na Josh Mansour i bin

kisim bagarap long skru, na Brent Kite i bin kisim bagarap long lek, tasol klostu taim ol bai go bek long pilai.

Panthers i stap namba 11 ples na ol i feil long pinis long kam antap long lata, bikos planti pilaia i kisim bagarap.

Apisai Koroisau, husat i kisim bagarap long solda, taim ol i pilai wantaim ol Bulldogs, bai kisim ples bilong Segeyaro taim em bai kam bek long haus sik.



## Sebia winim Brasil

SEBIA i win long anda-20 wol kap fainel long Not Haba Stedium, we Nemanja Maksimovik i putim wanpela gol long 118 minit na daunim Brasil wantaim 2-1.

Yugoslavia i winim Sebia long 1987 na em i bin kam stap long wol tonamen long Nu Silan.

Bikpela rein i pundaun long Nu Silan long 3-pela de i go pinis, tasol ren i stop long taim bilong Sebia na Brasil i pilai.

Brasil i pilai gut long namba wan hap we Jean Carlos na Gabriel i wokim tupela top

klas kik i go long Sebia.

Sergej Milankovic em i pilai long namel na i salim bal i go long Jean na Jean i straikim na golkipa bilong Brasil i abrusim.

Brasil i no wet longpela taim na i kisim 4-pela gol, tasol Sebia i strongim na levelim dispela gol long tripela minit bihain.

Rajkovik i mekim narapela wol klas segen, long ekstra taim, i go long Maksimovic, na em i skruim i go long Jean na Jean i putim gol na i stopim amamas bilong Brasil i gat namba siks wol nem.



## Ashes 2015: Michael Clarke i bekim toktok bilong Jason Gillespie



KEPTEN bilong Australia, Michael Clarke i tok bai em i soim Jason Gillespie olsem em i rong taim olpela wina bilong Ashes i tok ol skwat nau i lapun long pilai wantaim England.

Gillespie husat i save paitim bal bilong England, i kamap kosa bilong ol English

kaunti sempionsip Yorkshire.

“Ol ami bilong papa. Mi tingim olsem bai yumi rausim ol long fil,” 40 krismas Gillespie i tok long Australia skwat long wanpela intaviu wantaim Britain Daily Mirror.

“Yumi mekim ol les, ol lapun man yah. Mipela (England) i ken putim ol long

presa.”

Clarke i tok long namba wan pres konpres taim ol kamap long England olsem Jason i gat rait long tingting bilong em.

“Joinim lain. Mi bin kisim kain ol nogut toktok long laip bilong mi taim mi stat pilai,” Clarke i tok.



# Cook Ailan Meri Tim na Pasifik MMI PNG Lewas i laik putim mak long Pasifik Gems

COOK Ailan Meri Kriket Tim na Pasifik MMI PNG Lewas i redi long kamapim nem long Pasifik Gems taim ol gems i kirap long Julai.

Cook Ailan Kosa, Alister Stevic i tok ol meri Cook Ailan i nupela yet long pilai kriket tasol ol i gat kik long wokim samting long taim ol bai pilai long wanpela wik resis insait long Pasifik Gems.

Ol meri wok long kisim trening moa taim bihain long ol i kam bek long Siapan long 2014. Las mun ol i wokim trening olgeta wik olgeta moning long 3-pela o 4-pela trening sesen long wokim fitness wantaim Tim Menesa Carlene Mapu, na 3 o 4-pela moa trening sesen long apinun wantaim Kosa Patiamai Ataela,” Stevic i tok.

Stevi i tok em i amamas long lukim senis bilong ol yangpela olsem Sala Matapo na Philicia Maruariki.

“Phillica em i strongpela beta husat i inap tru wantaim stail we mipela save laik lukim insait long Twenti20 kriket. Sala em wanpela teknikal beta na em i kamap antap olsem wanpela nambawan beta bilong kantri nau em dispela em i gutpela tumas,” Stevic i tok moa.

Vais Kepten bilong tim, Marii Kaukura i tok, “ol meri kriket long Cook Ailan i wok long kamapim nem olsem wanpela tim we mipela i amamas long ol i stap long fran long givim gutpela tingting long ol yangpela meri long pilai kriket long makim kantri bilong mipela. Sapos mipela i givim olgeta strong bilong

mipela long mekim kantri bilong mipela i amamas!”

Long wankain taim, kosa bilong namba wan tim long EAP Wimen Sempion, Pasifik MMI PNG Lewas, Rodney Maha i tok em i gat strongpela bilip olsem tim i redi long bungim ol arapela nesanel meri

tim insait long Pasifik Gems.

“Mipela i stap long holim mak bilong mipela olsem ol sempion bilong Pasifik Rijon na wantaim ol dispela ol developmen raun i go long Samoa, mipela i strong olsem Lewas bai kamap wanpela strongpela fos long Pasifik

Gem,” Maha i tok.

“Mipela i gat ol meri gat ekspiriens long pilai olsem Tanya Ruma, Norma Ovasuru na Kepten yet, Pauke Siaka wantaim gutpela miksa bilong ol yangpela meri long pilai olsem Helen Buruka na Brenda Tau,” Maha i tok.



Ol Pasifik MMI PNG Lewas long Siapan taim ol i winim EAP resis long las yia.



Ol Samoa Meri Kriket tim danis long taim ol i win namba wan taim long Siapan EAP resis

# Kopret Basketbal kompetisen i kamap long Madang

## Mathew Yakai i raitim

OL i kamapim 8-pela basketbal tim long wanpela amamas sosel gem i kamap long Madang Provins, we ol man long narapela kantri husat i save olgeta na stap long Madang i kamapim tu.

Filipino Basketbal Asosiesen (FILBA) long Madang i lukluk long kisim kam insait

olgeta waitman husat i wok menesa insait long Madang taun bilong pilai poromanim gem long olgeta Sarere apinun insait long Divain Wod Yunivesiti Yut Senta Hal.

Namba wan raun em ol i pilai pinis long Me 31 wantaim 7-pela tim, tasol Ramu NiCo Menesmen (MCC) Limited tim i joinim dispela gem bihain na skruim namba i go antap

long 8-pela tim.

Ol narapela tim em RD Tuna, RD Cannors, Santi Forestry, JR Company, ELP Trading, MST-DWU na Madang Lodge.

Planti pipel insait long Madang i joinim ol tim na em i kirapim nupela poroman wantaim as tingting bilong kirapim gutpela sindaun.

Na tu, ol bai toktok long ol

sampela wari i kamap insait long Madang taun we ol save-man i ken kam bung wantaim long stretim wari long kamapim gutpela sindaun long Madang Komyuniti.

As tingting we Father Joseph bilong Jomba Paris na Elly Padura bilong ELP Treding i gat na kamapim FILBA, em i bilong kisim i kam insait olgeta menesa na papa bilong ol bisnis i stap long Madang long helpim Madang taun i ken kamap wanpela gutpela komyuniti we, olgeta manmeri i ken stap wantaim bel isi.

“Planti pilaia em ol Filipino pilai long las gem, tasol sampela India, Malesia, Polan na liklik ol papa graun menesa i pilai tu,” Padura i tok.

Padura i tok, “5-pela moa gem i wet yet long bungim mak bilong raun namba wan.”

Em i tok moa olsem, ol bai pilai 7-pela gem tu long raun namba tu, na i wankain long raun namba tri, bihain long ol bai go insait long ol nokaut na kolim aut wina.



Ol pilaia bilong Ramu NiCo Tim insait long Koporet Basketbal Kompetisen i sanap bihain long gem wantaim Presiden, Wang Jicheng, husat i sanap wanta wara kontena.

# Wok manmeri long LBL i kisim helpim

OL wok manmeri long Lig Bilong Laif (LBL) i kisim bikpela helpim wantaim Australia Awod Felosip (AAF).

Ol i go long wanpela profesenel developmen wokabout long lainim rot we ol Nesanel Ragbi Lig (NRL) i save ranim gem long ranim gut ol program hia long PNG.

Lid Developmen Opisa long Is Nu Briten Provins, Grace Wilson Michael, Developmen Opisa long Nesanel Kapitel Distrik, Andrew Stone na Nesanel Edministresen Kodineta, Benard Poma, i bin go stap tupela wik long Sidney, Brisben na Gol Kos olsem hap bilong AAF program.

Tupela developmen opisa long Fiji NRL, Suliasi Cakautabu na Lagilagi Golea, tu i bin stap insait long dispela program.

Australia Gavman i save helpim AAF na i save givim sans long ol ogenaisesen long Australia long olgeta sekta long strongim ol rot bilong ol wantaim ol lida na ol profesenel lain long ol developim kantri olsem PNG.

Michael, Stone na Poma i go stap long woksop long lukim rot we NRL i save mekim moa gut long ol meri na ol lain i gat lek na han no gut i ken stap wantaim long ol gem.

Wokman bilong LBL i lukim ol Australia NRL developmen opisa na rot we ol i save lukautim skul na komyuniti ektiviti, na i bin stap long planti gem ol i bin pilai.

“Dispela felosip em i wanpela samting bilong kliaim ai,

na lanim olsem dispela ragbi lig em no bilong pilai tasol no gat. Em i gat planti samting i save kamap long laip bilong ol man taim yu luksave gut long wanem em ragbi stret,” Michael i tok.

“Woksop bilong ol meri i kirapim save bilong mi olsem mi em wanpela hetmeri na tu mi lanim plantim samting wantaim meri developmen opisa long Australia long ol man na meri, na planti moa samting.”

Em i tok moa olsem em bai opim rot bilong ol meri husat i stap insait long ragbi lig long PNG long wok lidasip long givim ol gutpela samting long komyuniti na kantri bilong yumi.

“Ragbi lig em i strongpela samting na LBL program i gat gutpela tingting long bungim planti pikinini taim ol i yangpela yet long joinim,” Poma i tok.

“Ol pikinini long PNG bai lainim ol toktok bilong mental helt na i kirapim pasin bilong kamap bikman.”

“Yumi i lanim ol gutpela samting long hao bai yumi kisim ol pipel husat i gat lekhan no gut i ken go insait long spot na ol narapela komyuniti wok,” Stone i tok.

NRL Pasifik Program Menesa, John Wilson i tok, “dispela wokabout em i eksampel long ol wok bilong NRL i save mekim long developim Pasifik insait long Pasifik Autris Program.

“Mipela i tok tenkyu long Australia gavman na NRL long helpim yumi long dispela wokabout,” em i tok.

# Redi nau

## i kam long bekpes

Em i tok sapos yumi surukim pilai i go long tupela mun bihain, bai yumi namba wan kantri long Pasifik long mekim dispela disisen. PNG em i bikpela kantri long Pasifik na yumi gat bikpela populesen na ikonomi, na sapos yumi surukim bai yumi sem.

Mista O’Neil i tok em i amamas long ol wok manmeri husat i wok hat tru long mekim ol ples bilong pilai i redi long taim. Maski ol i bin stat leit tasol ol kamap gutpela wok long kamapim wol klas stedium long kantri bilong yumi.

“ Mi olsem man Papua Niugini i amamas long gutpela wok ol manmeri bilong yumi long PNG yet i mekim”. O’Neil i tok.

Dispela senis Sir John Guise Stedium i kosim gavman long K78 milion long senis olgeta long kamap olsem wol klas stedi





Vipers namba 5 i laik kisim bal long wanpela pilaia taim tupela Lahanis i putim was. Vipers i winim gem.



Kepten bilong Snex Tigers i makim trai lain bilong Isapea taim bikpela fowod bilong Isapea i laik takolim em.



Pilaia meka bilong Tigers wantaim bal i ran namel long tupela pilaia bilong Isapea long pilai bilong ol long Mosbi. Tigers i win.



Pilaia bilong Transport i go daun long pilaim bal taim pilaia bilong BSP i tasim em long Kopret Kampani Tas Ragbi long Pot Mosbi. Transport i win 3-2.



Pait meri bilong Kwinslen i tromoi rait han long boksa meri bilong PNG long amamas pait bilong ol long Lamana long wiken. Dispela pait i bilong redim ol pait manmeri bilong PNG long Pasifik Gems.



Pait meri bilong Kwinslen i apim han long soim olsem em i winim pait bilong em.

# LINKING YOU TO MT HAGEN, TABUBIL & KIUNGA.\*

**Tuesday:** Lae - Mt Hagen - Kiunga - Tabubil - POM  
**Thursday:** POM - Tabubil - Kiunga - Mt Hagen - Lae

\* New route commences June 06, 2015.

Call toll free on **180 5465** visit [www.airniugini.com.pg](http://www.airniugini.com.pg) or contact your nearest Travel Agent.



**New Route**





**IMPROVED TASTE!** Niupela teist wantaim planti mit na oil. Teistim na bai yu laikim moa yet.

# DIANA

Tuna



Emi tuna  
bilong PNG

PROUDLY  
PNG  
MADE

Manufactured by



RD Tuna Canners Ltd.

Moa mit na  
oil insait



**TUNA IN OIL**



Minista bilong Sports na Pasifik Gems, Justin Tkatchenko, Praim Minista Peter O'Neil na Siaman Gram Osborne i sanap na lukluk i go daun long nupela ples bilong sindaun na pilai. Poto Nicky Bernard

# REDI NAU

Nicky Bernard i raitim

WANPELA wik nau i stap bipo long Pasifik Gem bai stat long Julai 4. Na ol hap bilong pilai i redi long kisim ol pilai.

Praim Minista Peter O'Neil i open nupela Sir John Guise Stadium long Tunde na em i amamas long ol wok kamap long dispela nupela stadium. Sir John Guise Stadium i bin lukautim namba 9 Saut Pasifik Gems long 1991 na i kam inap nau, ol wok manmeri i senisim dispela stadium i kamap wok klas stadium.

Praim Minista O'Neil i tok, planti toktok i wok long kamap olsem ol ples bilong pilai bai i no inap redi, tasol ol dispela toktok i no tru.

"Mi opim nupela stadium long redi long opening seremoni long Julai 4. Planti toktok i wok long raun olsem ol ples bilong pilai bai i no inap redi. Planti i tok yumi mas surukim pilai go long tupela mun bihain, tasol mi tok pilai bai kamap long Julai na kaikai bilong em bai kamap" O'Neil i tok.

Em tok tu olsem yumi mas gat bilip long yumi yet na bai yumi lukim senis long kantri bilong yumi.


...lukim moa long pes 26

➔ Treated Mosquito Nets PREVENT Malaria

➔ Visitect TESTS for Malaria

➔ Arterakine  
Tablets TREAT  
Malaria

*Good Products, Better Prices, ikam long*

 **Johnstons Pharmacies Ltd**

P.O.Box 1066, Boroko, Papua New Guinea.  
Tel +675 325 3185 Fax +675 325 0190 Email sales@johnstons.com.pg